

# BULAPELI BWA JEZABELE



Halu yemeñi ona cwalo fa nako nyana, halunze lufa Mulimu buitumelo ka se. Halu inamiseñi lithofo za luna.

Mulimu ya Musa mi Ya Kenile, lu tabile hahulu kuli Wena u—u Mulimu, mi ili tuso ye liteñi mwa nako ya butata. Lwa itumela ku Wena ka So lu ezelize. Fela halukoni kubulela, kuzwa mwa lipilu zaluna, mo lu itumela ka se, ni mo Utahela kwa tuso yaluna haluli mwa butata. Lu itutile, mwahala myaha, ku sepa Wena ni ku Ku lumela.

Mi Ni lapela, musihali wo, Mulena, kuli U sulule limbuyoti za Hao fahalimwa sicaba se. Kusike kwaba mutu ya fokola mwahala luna sebelezo ye ha se i felile. Haiba ku kaba alimuñwi mwahali mo ya si ka luka ni Mulimu, mi cwale Mata ana zusize Jesu mwa libita, afe mata kwa mibili ya bona ye shwa, Mulena, ni moyo wa bona, ni ku ba sikululela ku Wena. Lumeleza cwalo, Mulena. Bani baba sina Moya o Kenile, le kwateni halibe lizazi lelituna leo ba si ke ku libala, kakuli halibe lizazi leo Mulimu a sululela Moya wa Hae ku bona. Lumeleza cwalo, Mulena. Swalela libi za luna.

Lu lapela kuli U fuyole Muzwale Sullivan, mulikana luna yomunde mi wa mbuwa, ni mihupulo ya hae fa sicaba, ni kulika ku batiseza ze konahala kaufela za kona, kuli aba tuse. Ni lapela kuli U fuyole Muzwale Sullivan.

Fuyola bakutazi mwahala naha kaufela, kai ni kai. Ba fe buñata bo bufita, Mulena. Ha ba yeme ka kutiya fa katala ni ku shaela Linzwi la Mulimu, kakuli lupila mwa lihola za kukwala kwa litaba za kale za lifasi le. Tuhela bunde bwa Hao bu lu ambeke mwa linako ze. Kakuli lu kupa ka Libizo la Jesu. Amen.

Mwakona kuina.

Ni itumela hahulu ku mina sicaba hape, ni ku Mulimu, ka se. Muzwale Sullivan u ipeile sona ka maheta. Mwabona, ha kinto yende kuli Muzwale Sullivan aeze cwalo, kacwalo ne lu lukisize zona. Lwa itumela ku wena ka sishemo sa hao.

<sup>2</sup> Mi, cwale, kwa—kwa nubu ya lilato, yona . . . ne mu sa lukeli kuezwa cwalo. Batili, zeo ne li sa swaneli. Mwabona, fela . . . ba lifanga lisinyehelo, hotela ni lico, zene lunani, mi zeo kaufela za lukela. Kono ni itumezi, hahulu luli, mi li ka tusa mwa bulumiwa ni kutisa sicaba ku Mulimu. Hakuna makwai aka lekiwa ka ona, neba bucwala hakuna, hakuna ze maswe, aka ya kwa musebezi o lukile. Mi Ni lapela kuli Mulimu uka beya zeo mwa panga yamina kwa halimu kwani, ni ku li alula ka likiti ze lishumi, dollar ni dollar, kamba—kamba pene kaufela, kamba muwayawayo o mu file kwa sebelezo ye.

3 Mi, cwale, Ni bata kutumela kuba United States Army ka ku lu lumeleza kuba ni muyaho mo luinzi moo, kuba ni lisebelezo ze. Na itumela kubona luli ka pilu yaka kaufela.

4 Mi kuya ka mo Ni utwisizeza, Muzwale Sullivan na bulezi kuli kaufela li ka lifiwa. Ha lu si ka zwa kale mwa tolopo mane, ni sikoloti sa wani cent, kono kaufela ne li lifilwe; ha lu lumeli fela mwa sika kaufela. Ha u lukeli ku ba ni sikoloti ni mutu, u swanela kuba yasina mulatu mi ya namile hande. Mi haiba una kolotezi mutu, zamaya ubonane ni yena mi u mu bulelele sikoloti sa hao, kuli akufe fela nako yelikani, mi u ka si lifa. Mwabona? Kamita, zeo ki zende. . . Ao kona mayemo amande a Bukreste: kuba ya sepahala, ka kuluka.

5 U lukela kupila fela ka mo mubulelela. Haiba ha u pili cwalo wena kasibili, u kulubela cwani kuli yomuñwi apile cwalo, mwa bona. Kacwalo mu mañolo a ñozwi, a balwa ki batu kaufela, kacwalo kamita mube baba sepahala, ba niti, fela. Mubulelange niti, hakuna taba kamba i holofaza cwani sesiñwi. Mubulelange niti, kupale kumane, kakuli mwakona kubulela taba ka mukwa oswana ka nako kaufela. Mi haiba bulela buhata, uka tokwa kuli upotolohe limaili ze wani milioni, mi niteñi uka to bulela buhata hape; mi fo kipeto uezize fela mafosisa amatuna. Ube fela ya sepahala, mi wakona kubulela ka mukwa oswana kakuli ki niti.

6 Kona mo kuinezi ni Bibe. Mu li bulele fela ona cwalo mo i bulelezi Bibe, musike mwa keshebisa ka zona, mubulele fela ona cwalo, fela. . . ku ñozwi ona fa mi—mi mwakona kusupa munwana wa mina ku lona. Ki—ki. . . cwalo kona mo mu komela Satani. Satani ali ku Jesu, “Haiba ki Wena Mwana Mulimu, ha lu bone U eze makazo. Ba li Wena ‘u muezwa wa limakazo.’ Fetula macwe a abe buhobe, lu bone. Hanili u lapile.”

7 Ki hali, “Kono ku ñozwi, Mutu hana kupila buhobe fela.” Mwabona? Na ngile Linzwi la Ndate ni kukoma diabulosi, ona fa mayemo a hae luli. Konakuli wakona kuezwa nto yeswana, kukoma diabulosi fa mayemo a hae, ka Linzwi la Mulena.

8 Konakuli, Ni kana ni itumela ku Muzwale Sullivan. Ye ki. . . Mu ni swalele ka pulelo ye: Ni sepa hane ha ne kubupiwa Muzwale Sullivan Na yumbezi fela kusili sikombole. Hakuna yaswana sina yena. Kuna ni fela muuna alimuñwi ye Ni kile na katana mwa bupilo ya ni hupulisana Muzwale Sullivan, yani neli E. Howard Cadle. Hani zibi kamba na mu ziba kamba nee, kuzwa kwa—kwa. . . Muzwale Cadle nali fela mushimani yomunde wa matakanyani inge Muzwale Sullivan. Mi na beyanga mazoho a hae mwa lipokoto za hae kuli mane mihala ya bulukwe ya fa maheta ne i hohelwa fafasi, ni ku ikubulela ni toho ya hae neku leliñwi, mi nali fela anosi E. Howard Cadle. Mi kacwalo Ni—Ni tabile hahulu kuba ni Muzwale Sullivan sina mulikani ni muzwale mwa Evangeli. Mi Ni lapela kuli Mulimu uka mu

fuyola ni keleke ya hae yenyinyani kwanu, musala hae yomunde, balatiwa ba hae.

<sup>9</sup> Mi ku mina, bakutazi babañwi babali mo, ku mina ni kopano ya mina, bakutazi ba Evangeli Yetezi, fahalimwa litaba za Mañolo lwakona ku sa utwana ni babañwi. Hani lumelelani ni musala ka fa litaba zeñwi. Mi mwa ziba litaba zeo? Yena ulata nama ye beilwe apule mi Na ni lata ye beilwe tolwana ya cherry, kacwalo ha lu lumelelani. Mi Na mi bulelela ze Ni ezanga ni yaka: Ni tabela yende ye baba cwalo (Na kona ku ca neba ona fa) ni kusela fateni bata fahalimu, mi ni kusela fateni swikili yekambile; mi, muzwale, awa mama ki sico nyana! Musala ka wa saba zeo. Ni sepa kuli u saba lico za miloho. Wakona ku li tabela, kono mwa ziba basali mo ba inezi, ba saba. . . Ba ota luli kueza busisani kuli wateni ha u mu taba ni pini wakona kupunya ni fa lisapo, kono ibo ba bata—ba bata ku kutisa kwa mubili hape. Wani kona mufuta wa bona, Na sepa, kacwalo kuna ni. . . Mi, kono Na lata cwalo. Cwale, lwa kanananga ka seo, haili ku zeñwi batili lwa utwana. Kono, mwa bona, ha lu utwani handende. Kuli lubone lika zeswana, mizwale, kono nto yabutokwa, lusweli kuca pie, yeo kona nto ya butokwa.

<sup>10</sup> Ka mulao, ka kolobezo ya Moya o Kenile, ni kutaha kwa Kreste, ni lituto zetuna za bulumiwa, milao ya mwa Bibebe, lu yema hande lizoho-ka-lizoho ni zona. sina mizwale balibañwi babatuna, kusina museto wa kopano, kusina sika sa ku lu paleliswa, lu ya kwa Kalvari sina mpi iliñwi yetuna, hamoho.

<sup>11</sup> Haiba Ni kona kuba wa tuso ifi kaufela ku mina, Ni ka tabela kueza cwalo. Mi Ni sepa kuli mukona kubulela nto yeswana kuna. Mi mwakona kuba tuso ku na. Mi yeo ki nto iliñwi ye mukona kueza, ye Ni ziba, ki ku ni lapelela, kuli Mulimu asike ani tuhelela kukena mwa mafosisa. Ha—Ha—Ha. . . Ha li yo mwapilu yaka kueza ze fosahalile, Ni—Ni bata kuya ka kuluka, Ni bata kueza ze lukile. Kakuli Ni lemuha, sina Muzwale Jack Moore yana ni bulelezi nako yeñwi, ki hali, “Muzwale Branham, ha Ni koni kuyema mwa makatulo a hao ka zibo ya hao kaufela, ka Lizazi la Katulo, kakuli Mulimu uka tokwa ku wena kalabo yetuna,” ali, “kakuli U ku file ma milioni a batu mwa mazoho a hao.”

<sup>12</sup> Cwale, haiba Ni ziba kuli Ni ka yema kwani ni ku yo ikalabela ka sicaba sani, konakuli ki mufuta wa Evangeli mañi ye Ni lukela ku kutaza? Ki mufuta wa busepahali cwani, ha Ni sweli teko ya Mali a Hae mwa mazoho aka? Mi sina ha Na ni file mpo ya. . . kusina muluti wa kukakanya, mutu ya nahana hande kaufela na ka ziba kuli li na ni kuzwa ku Mulimu. Mi ka seo, haiba Ni kona kuisa mutu kuzwa mwa nzila yemaswe bakeñisa fela kuli sikwata sesiñwi si bulezi cwalo, Mulimu ukona ku yo ni zekiseza zona ka Lizazi la Katulo.

13 Kono hane Ni boni pono, kwanu ha ki kale hahulu, mi na utwa batu bani inge ba huwa . . . Kana ne mungile buka nyana ya mina maabani busihu? Ya—ya kuli Business Men's Voice. Ki hande. Mi mwa pono . . . Fokuñwi lukona kuba ni zona li pulintilwe ka kutala; zeo ha ki zona kaufela. Kono ku zeo, ni kubona cwalo, mi Na yema fani inge—inge fela mo Ni yemezi ona fa cwale. Mi Ne ni sweli kuitalima inge ni lobezi fa mumbeta wani, inge ni talima musala ka, kono hape inge ni yemi fa nisweli kuitalima ilina. Mi fa nekuna ni batu bene ba yemi kwa matuko cwalo hane Ni bulela kuli, “Kana Paulusi uka atulwa ka Evangeli ya na kutaza?”

14 Ali, “Eeni.”

15 Se nili, “Ni kutalize Linzwi kaufela ona cwalo fela mwa na kutaleza.”

16 Mi ma milioni ba huwa bali, “Lu sepile ona Cwalo!”

17 Kona mo Ni batela kuli li yoba cwalo nako ye Ni silela kwani, mwabona. Ni bata kuli libe ka nzila yeo, ona cwalo fela, sa na bulezi Paulusi. Hani lati kuekeza taba iliñwi kwa Teni, kuzwisa nto iliñwi kwa Teni. Ona cwalo fela mo i bulelezi Bibebe, kona mo Ni batela ku libulukela, mwa bona. Mi eeni sha, mu libuluke ona cwalo, likopano kwa maneku kaufela li ka nanula fa sikala se si Li lwanisa.

18 Mi cwale, linako zeñata, mizwale ba nahana kuli Ni lwanisa mizwale baka. Mulimu uziba shutano ku zeo, haibile fela U ziba niti. Mwabona? Ha ki kulwanisa mizwale, ki mulao o lu eza kuli lusike lwa ba mizwale. Ha ki Linzwi la Mulimu le li lu kauhanya kwa kuba mizwale, ki mulao o lu ikopanya ku ona kona o lu kambusa kwa kuba mizwale. Yeo ki niti. Kacwalo, lu lukela kuyema kai? Lu yeme fa Linzwi, mi Mulimu uka bizeza batu kaufela ku Lona (yeo ki niti) ku—ku lona. Musike mwa li onga onga, ku libeya mwa katengo, mu li beye fela ku Mulimu, mi muzwelepili fela kuya; mutokomele fela kwa mafelelezo, muine ka tokomelo, Mulimu uka tisa ze siyezi zateñi.

19 Kubile lika zeñata hahulu ze mu ni ezelize, ze Ni itumela ka zona. Cwale haiba Ni kona ku mi tusa, ka kumifa masila a litapelo kamba nto yeñwi. Cwale, musike mwa ni buza tuto, kakuli Ha—Ha ni lakazi kueza cwalo. Batu babañata hahulu ba ni ñolelanga lipuzo ka za linyalo ni telekano ni zeñwi cwalo, ili taba ye kama mwa keleke. Kamita ni ba kutisanga kwa mulaho, nili, “Mu buze mulisana wa mina.”

20 Batu ba ni ñolezi mañolo fa mi bali, “Kucwani ka se? Mi ku cwani ka seo?” Na kutisanga liñolo, uka a amuhela. Mubone bo mulisana ba mina fa litaba zenyinyani kakuli, hanili ki yena mulisana wa mina. Ki—ki yena ya—ki yena yo Mulimu na lumile ku mi tokomela. Mi lwakona ku sa utwana ka zona, mi kipeto zeo litisa ku sa utwana mwa keleke ya mina. Ha lu lati zeo. Batili! Batili! Lu bata fela kuli mutuhele kueza lika za sibi, lika zezwile

mwa Bibebe, mi muzwelepili fela kuya ku Mulimu. Mwabona? Mi haiba mukaba ni ku sa utwana nyana ni zeñwi cwalo, zeo li ka filikanya keleke. Kacwalo, Ni tabela kuli mulisana wa mina a mi bulelele ka za linyalo ni telekano, ni lika ze ni lika zani, mu mutuhele kuli aeze cwalo. Ki mutanga Mulimu ni yena, mi u lutilwe wa kona kueza cwalo.

<sup>21</sup> Mwa hupula Musamaria ya musa ya na fumani muuna yana holofezi? A mu isa kwa hotela (yeo ki keleke) ni kufa muuna wa kwateni tu pence, ni ku mu bulelele kuli haiba na ka tokwa amañwi na ka to mulifa nako ya taha. Kacwalo, una ni ma pence amabeli, wakona ku ku alafa haiba ki muuna Mulimu. Haiba ki muuna Mulimu ya yema fa Linzwi la Mulimu, una—una ni sa na mu file Mulimu: ili Moya ni Linzwi. Kana ki cwalo? Kana lu swanela ku lapela cwani? Ki ka Moya ni ka Niti. Mi Linzwi kona Niti. Kana ku cwalo?

<sup>22</sup> Cwale, ni itumezi hahulu luli, hape. Mi cwale, Ni katezi hahulu, mi ni katezi luli musihali wo, Hani si ka bata kuina mwa hotela yeñwi haibile fela Na pila. Mukiti tuna wa ku kolwa, kunata fa likwalo ni kuhuwa, ni basali. . . Oh! Na ina fela, busihu kaufela. Ku fele. Mi kacwalo Hani—Hani tabeli ku ba mwa hotela yeñwi. Ni kata kwa motela. Ni ka i kungela mota kuli Ni kone ku lobala ku yona, kwande a fande kwa sibaka sesiñwi. Ni ka ba ni yona, ni ikungele tende ni mukotana wa kulobala kuopa, kamba kokuñwi ko Ni kona kuya, kokuñwi. Yeo ki niti.

<sup>23</sup> Ki sibi luli, naha ye, ki ka bakaleo! Ki ze lambilwe linosi, mi libolile ka bumaswe. Ona mo mwa sibaka sesiñwi, mwa buino bwa mina. . . Isiñi fela naha ye, kai ni kai. Ona kwanu, myaha nyana yefitile, Ne nili mwa—mwa mukopano wa bulapeli mo mwa muleneñi, muleneñi o mutuna. Mi busihu bwani sikwata sa bulapeli, keleke ya orthodox ni babanca fela, nebana ni mukopano. Na—Na li kuba. . . Ni bile mwa Africa mwatasa mioya yaba nzila ni zeñwi kaufela, Na li kuba ni utwe nto yecwalo. Mi kakusasana otatama, (Hanikoni ku mi bulelele handende, lu sicaba se si kopani kopani). . . ku lobala fafasi, lika za butanya ze ne ezahala, mabotela a bucwala kai ni kai. Mi banana bani, bashimani ni basizana mwa muzuzu o swana busihu kaufela, hamoho. Mi kakusasa habusa, yena “ndate ya kenile” inza inzi fande fani, mi kipeto ba taha inge ba mu kubamela *cwalo*. Mwatasa Libizo la Jesu Kreste!

<sup>24</sup> Kana Ni lyangani? Ki—ki butata mañi bobuli nina? Ha nikoni fela kuyemela lika zeo! Ki. . . sesiñwi sa ni nyunga mwa liemba emba ha Ni bona cwalo. Kana sani si yemela Mulena ka Jesu? Cakolwa, mukiti wa butanya ni lika za butanya zakuli. . . ne li itusiswa kwa mitangana babanca ni basali, inge ba lobezi fa bulilo ni mwa lizuma za manyalala, ni mabotela ni. . . Oh, mawi, bunde! Kana mwakona kubiza zeo kuli ki Bukreste? Ki kabakaleo lifasi liinzi mwa buino bwa sibi. Kihande, kana muezalibi ubulela sikamañi ha talima sani? Likiti kiti za bona.

25 Basizana babanyinyani bani ne ba kozwi hahulu kuli mane ne ba palelwa kuyema, mi mwa muzuzu busihu kaufela ni bashimani bani, ni litaba zemasila hahulu za lisheha le mu kile mwautwa fateni mwa bupilo. Na beya musamo kwa toho yaka sina *cwana*, ka kulika ku ikapeleza kulobala. Fande fa patelo, inge ba kozwi, ni kumata mata fa bulilo ona cwalo, wa bulapeli!

26 Cwale, Na kona ku kulubela sicaba sa sibi se cwalo, cwale, baba ipiza kuli baeza lipapali, fande mwa papali ya liñindi. Alimuñwi wa bana ba ka ukena mwa sibaka sa kulwanela, ne Ni ka mu matisewza mwa mushiyu. Uh-huh. Mubiza zani kuli papali, ha ki papali. Kinto mañi ye. . . Haiba mubata kuba hande, ha mube hande ni Mulimu. Niti.

27 Ni bata ku mi balela, manzwi fela a zwa mwa Bibebe. Mu fumana manzwi a likani e Ni bata kubala a mwa palo, afumanwa mwa kauhanyo ya 17 ya Malena Bapili, timana ya 1.

. . . *Ka MULENA Mulimu wa Isilaele ya pila, yo Ni yemi fapila hae, hakuna kuba puka kamba pula mwa lilimo ze, . . . kuya ka linzwi la ka.*

Malena Bapili, kauhanyo ya 1- . . . kauhanyo yabu 17, timana ya 1.

28 Haiba Ni kona ku mi lumela liapalo za litapelo, ka nako kaufela, mu ni ñolele fela kuli; muñoli waka fa, ya liteni cwale, Muzwale Maguire. Ki babakai baba na ni masila a litapelo ka luna? Halu boneni lizoho la hao. Yema, Muzwale Jim. Ni bata kubona kwa . . . wena, ni musala hao hape. Ki yo fa muñoli waka ni musala hae, bona baba beleka, yana lumile . . . Yani ki yena mushimani ni musizana ba ba mi lumelanga masila a litapelo kuzwa mwa mukopano, sibeli sa bona ki Bakreste baba ipeile. Mi linzwi, lona linzwi leli munati le mu utwanga fa luwaile ha mu ni lizeza, yani ki yena kalibe yomunyinyani yainzi fani, musala hae. Bo ndatahe ni bomahe, ni babañwi, bateni mo ni luna kacenu; ni—ni balatiwa ba bona, kaufela. Kacwalo . . . Mi hape mwa mu ziba muñoli waka wa mwa simu, Bo. Mercier, Muzwale Leo Mercier, uteni mo kokuñwi, ni Muzwale Gene Goad. Mi kacwalo haiba lukona ku mi lumela masila a litapelo, ka nako kaufela, sika kaufela se lukona kueza, ku mi lapelela fa luwaile; sika kaufela se lukona kueza, luka si eza.

29 Muuna ya bonahala bunca yo ni mulamu mwa lizoho la hae, muhato wa hae o bunolo, meto a hae inza benya ka Kanya ya Mulimu, mulelu wa hae unzo fuka kwa malama, ni litalo la bulizi bwa ngu inza itatelize, nasweli kuhata ka kutiya fela hande inza ya mwa musipili kuliba Samaria. Na si yomunde ha talimwa, kono nana ni sa kuli SA BULELA MULENA KISONA kwa naha tuna ya Isilaele yani. Eehe, Elia wa kwa Tishibe, mupolofita wa Mulena. Na si yomunde ha talimwa, kono nana ni Linzwi la Mulena.

<sup>30</sup> Na sa sabi kuyema fapila mulena, kakuli nali fa Pila a yomutuna kufita mulena, na bile fa Pila Jehova. Kabakaleo, na ziba fa na yemi. Mi ha ya fapila mulena na si na silyokota kamba sikukuma, na ziba za na bulela. Na bulelezi mulena kuli, “SA BULELA MULENA MULIMU WA ISILAELE KISONA, ‘Hakuna kuba pula kamba puka konji ha Ni ka ibiza.’” Kiñi ha na bulezi kuli, “Kufitela ha Ni ka ibiza. Kuya ka linzwi la *ka*”? Kakuli nana ni Linzwi la Mulena, nali mupolofita, mi mupolofita una ni Linzwi la Mulena.

<sup>31</sup> Ki nto ye komokisa kubona muzamao mwahala Isilaele wa Testamente ya Kale ni America wa cwale. Sibeli sa zona neli linaha zetuna. Bubeli bwa zona ne li tomilwe, mi sicaba sa zona sa zwa mwani, bakeñisa manyando a bulapeli.

<sup>32</sup> Isilaele na nyandisizwe ki Faro mi nali mwa butanga ka mianda anda ya lilimo, ko ne ba haniswa kulapela Mulimu wa niti mi ya pila, mi ne ba timilwe ki kolo yani; mi se baba batanga. Kono Mulimu na ba file sepiso mwa Bibeles ya Hae, kamba mwa Linzwi la Hae, ni ka bapolofita ba Hae, kuli Na ka bafa naha. Mi neba ka taha mwa naha ye ni ku leleka baba yahile mwateni, mi ba ba amuha maluwo a bona, kakuli Mulimu nana ni mulelo wa kueza cwalo.

<sup>33</sup> Mi kona mo i inezi ni naha tuna ya luna ye. Lutile kwanu, ni fa Plymouth Rock naha ye kona fo ne i tomile fa tukuluho ya bulapeli kakuli bashemi ba luna ba kale ne ba sabile manyando a Maroma kwa mulao wa Jezabele wa kacenu, mi ba taha ni kuyemela manyando a matuna ni bubulai mwa mulao wa buhata wa Jezabele wani. Mi kuya ka Bibeles, ya Sinulo, kauhanyo ya 13, Mulimu na ba sepisize siliba la mezi mwa lihalaupa, mi sibaka, kakuli musali na isizwe mwa lihalaupa mo na i lo fepiwa ka nako nyana, ni nako, ha i abiwa fahali a nako. Mulimu na file sepiso kwa America, kamba kwa keleke (ku musali), kuli atahe mwa naha ye.

<sup>34</sup> Kana mulemuhile Sinulo 13? Libatana zeñwi kaufela ne li zwelezi mwa liwate, mezi; Sinulo 17:17, ili, “Mezi o boni ki macaba ni buñata ni mishobo ni lipuo.” Libatana zeñwi kaufela, ne li zwelezi mwa mezi, buñata ni undi wa nyangela ya sicaba. Kono cwale United States ha i taha, “Ya zwa mwa lifasi mo ne kusina batu.” Mi muhupule, ha si taha, sa bonahala inge ngu.

<sup>35</sup> Cwale, ngunyana ina ni manaka amabeli, mi ao ki mata a naha ni a bulapeli. Kono ha se ba kopani, muhupule, mi ngunyana yani ya bulela inge drakoni mo ne iezelize fapila yona; mi dragoni neli Rome.

<sup>36</sup> Mi dragoni ha i to yema fapila musali kuli ibulaye mwana hae a sa pepwa fela, dragoni ye fubelu. . . Kimañi ya na yemi fapila musali Isilaele, kuli abulaye Mwana ha sa pepwa feela, ni ku luma nyandiso ni kubulaya bana kaufela kukala ka myaha

yemibeli ya kupepwa kutaha mwatasi? “Rome, dragoni, ya yema ku musali kuli ibulaye mwana hae ha sa pepwa fela.”

<sup>37</sup> Mi cwale, lu fumana cwana, kuli naha ye neikalile sina naha ye lukuluhile, mi neli. . . nana ni ngunyana, ye talusa Ngunyana ya Mulimu. Kono, kasumulaho nyana, ona mulao o swana o lunani wo, wa bulela sina dragoni ni kubonisa mata kaufela o ne ina ni dragoni sapili.

<sup>38</sup> Za zamaelela, yeñwi ku yeñwi, ka kupetahala. Mi muhupule fani. . . Isilaele ba ha bataha ku to nga mubu wa bona ni Palestine, ba leleka baba yahile mwa naha mwani kaufela ni kuhapa naha. Lwa taha ni ku to i hapa kwa ma Indian, lwa ba leleka mwateni ni kunga naha. Mulimu nana ni mulelo wa seo. Mulimu na ka bonisa lifasi sa Na ka eza ni sikwata nyana sa—sa batu se ne si bata tukuluho, ni tukuluho ya bulapeli, ku sebeleza Mulimu.

<sup>39</sup> Ki sikamañi sene ba ezelize Isilaele? A eza Isilaele kuba naha yetuna hahulu mwa lifasi, mi yapila ona cwalo kufitela i zwa mwa tato ya Mulimu. Ki sikamañi sa Na ezize ni America? A ieza kuba naha yetiile hahulu mwa lifasi kufitela izwa mwa tato ya Mulimu. Ka ku zamaelela, yeñwi ni yeñwi, ona cwalo.

<sup>40</sup> Fani Isilaele ha taha mwa naha, nebali sicaba se—se situna kakuli neba nani bueteleli bo butuna. Neba na ni baana baba saba Mulimu fa halimu a bona, sina bo Davida, Mulena Solomoni. Lifasi kaufela ne li ba saba, mi ne ba ikola lithonolo lani la kutokwa lindwa, nekusina matata, ni kupila mata a Mulimu, kufitela sicaba kuzwa kwa libaka kaufela ze zibahala za lifasi sa taha ku to ba bona. Mulimu na bafile mpo ya temuho, ne i li ku Solomoni. Mi mulena wa musali wa kwa Mboela, yazwa kwa. . . mulena wa musali wa kwa Sheba yana zwelela kwa Lihalaupa la Sahara (a tandelwa ki likweli zetaalu) ku to utwa fela butali bwa Solomoni. Mi ha bona kuli Solomoni na kona kulemuha mioya, ni kuzibahaza ku yena likunutu za pilu ya hae, ki hali, “Kaufela ze Ni utwile ka wena neli za niti, mane ni zeñwi hape.” Na ikolwisisa kuli yani neli Mulimu.

<sup>41</sup> Mi America, ka mayemo a bashemi baluna bakale bene batile kwanu kuba ni tukuluho ya bulapeli. . . Ne luna ni baana ba bumulimu ka mazazi ani, sina baeteleli: George Washington, Abraham Lincoln, baana baba zibahala ka mikwa ya bona, baana ba Mulimu. America neli America, mwa mazazi ani.

<sup>42</sup> George Washington, kwanu kwa Valley Forge, asika sila kale Delaware, a lapela busihu kaufela, kufitela a koloba kufita mwa liteka, ali ku kubama mwa litwa. Mi habusa kakusasana fani ma American ha ba kalisa kusila, nekuna ni fela mwendi twenti pe senti ya bona bene ba tinile makatulo kwa mahutu, ba Mpi ya America. Kono nebana ni mulao, neba na ni sene ba lwanela. Ne ba sina taba ka sene si ya kamba kutaha. Balimi ne ba taha mwateni, a yemisa sikekele sa hae ni kupanulula lipulu za hae,



mi anga tobolo ya hae ni kuya ku yo lwanela za na ziba kuli neli tukuluho. Mi zazi lelitatama, Na sepa neli loba, misima ye mine kamba iketalizoho ya malumo, malumo a sikumisa, akena mwa koti ya hae ni kuwani mi na si ka mu swala.

<sup>43</sup> Baana ba Mulimu, bene ba kalile naha ye, baana babatuna! Ki kabakaleo ne ba ñozi kuli:

Naha ya luna ibe yende kamita  
Ka liseli la tukuluho,  
Lu sileleze ka tata ya Hao,  
Mulimu Yomutuna, Mulena luna!

<sup>44</sup> Nako yeñwi yefitile, Ne ni ambola ni muuna muhulu kwa Corydon, Indiana. Ha ni bulelela za ndu ya milao ha ne i sa li kwa Corydon, ni ka mo yena . . . abulela mwa na yezi mwa kocikala ya likomu ku yo utwa mu—mu mubusisi ha bulela. Mi yena ni mubusisi neli fela bababeli bene bana ni suti, ya liemba zepeli, cwalo. A bulela kuli na uta lingu ni ku likukula, ni kutapisa booya bwa zona, likezeli za hae ne ba li keshebisa mi a ipangela koti yene zamaelela ni bulukwe. Mi muuna muhulu ali kuina fani, mwendi wa myaha ye eite-faifi kamba nainte ya kupepwa, a kumula mulelo wa hae sina *cwalo*, mi ki hali, “Billy, fani kona *Amerikee* neili *Amerikee*.”

<sup>45</sup> Na talima muuna muhulu yani, mi Na hupula kuli, “Mushimani, wena, buñata bwa banana ba haba lumeli cwalo, kono ubulela niti.”

<sup>46</sup> Ki sikamañi sene si ezahalile kwa Isilaele kasamulaho wa makalelo a bumulimu a kaufela? Ba kala ku sa tokomela lika. Ba kalisa kufita fa sibaka fa kuli bona, kihande, ne ba sa tokomeli ze ne ezahala. Ba kala kufokola mwa milapelo ya bona ku Mulimu, ni ha ne ba tunafaza mufuta wa bulapeli inge fela mo lu bezi. Neba na ni mufuta wa bulapeli. Kono ba kalisa ku lukuluha ni sicaba sa bona, mi—mi ba kalisa kutisa litumelo ze lyanganisa mwa keleke ya bona. Milapelo ya Baalimu ya kala kukena mwateni, mi Isilaele aba ya tabela minyaka, a kolwa, ni lika ze cwalo, mi mafelelezo zatisa mueteleli yana sa zibi Mulimu; Akabe, ya na yolile ndatahe. Mi ndatahe neli muuna ya sa zibi za bulapeli, muuna ya fumile, kono neli muuna ya si wa bulapeli. Mi yena aeza sibi kamukana mwa mifita ya sona, kufita kaufela ya kile abusa sapili ku yena. Kono Isilaele, mwa buino bwa ku kolwa kwabona, ba keta muuna ya cwalo, ni ku mu beya fa lubona kuli abe mubusisi wa bona. Ne ba hupula kuli neli nto yende, inge fela ma American ba bañata kacenu, “Ki yomunde mwa litaba za naha, kona kuli ki shutano mañi yeliteñi? Hasina kuba ni shutano ni yekana, kakuli ki yomunde mwa litaba za naha.”

<sup>47</sup> Buñata bwa ma American, buñata bwa bona, ba lekisize litukelo za kupepwa kwa bona, kakuba mu American, ni kubulela kuli, “Ki shutano mañi yeliteni, haibile fela uba ni ma

dollar amañwi ku za muuso mi wa ipilisa?” Ba itekisize ku za mwa mba, ni kwa litakazo ni ku kumalela lifasi la sibi, ni ku libala lika luli zene lu tisize fa Plymouth Rock. Ba libala buswa bwa luna, mi ba yo itekisa kwa sicaba se si tabela minyaka. Sina mo ne kuinezi mwa mazazi a Isilaele, kona mo ku sa inezi, America u ngile ona nzila yeswana yani, kuliba nzila yeswana yani ya munyaka!

<sup>48</sup> Kasamulaho nyana, muuso wa nyatela sibi: “Haibile fela mu na ni sinagoge, ki shutano mañi ye liteni?” Ona cwalo kona mwa na ezelize America. Mi lu kala ku i kongakonga hamoho ni kueza tukwata to tunyinyani, mane ni ka sibi hahulu, sibi hahulu, sibi hahulu. Ne lu kaina hande ni milao ya niti ye ne lu tezi kwanu ka yona! Sibi sa kala ku kena mwa likeleke inge fela mo ne si ezelize ka nako yani. Basali ba kalisa ku kuta milili yabona, ka kutina liapalo za butanya, inge ba i kukula mwaha ni mwaha mi. . . Mi batu bakala kueza *se, sani, ni sesiñwi*, ni kubapala makadi ni kubapala lipapali za bunco mwa keleke, mi ni kuba fela ba bulifasi mo ne bainezi, baba tabela minyaka, macakolwa baba fitelezi.

<sup>49</sup> Bakutazi ba bazwa mwa sikolo sa za bulapeli, mi bishopu uli, “Amu kutaze, bashimani, kaufela ze mu lata. Kuya ka mo Ni zibela, mali a Jesu Kreste na omile myaha ye mianda ye naintini kwa mulaho.” Kufitela keleke itokwa sika kwanda katengo, inge ndu ya malobalo. Musike mwa libala mushali wo! Kuba sina ndu ya kulobala, lifasi la kala ku kena mwatani, bakutazi bakala ku keshebisa inge fela mo ne ba ezelize mwa mazazi a Akabe. Baezalibi, baba bolile ni mwa lipilu kaufela, ni kuzwelapili cwalo ni cwalo za ya fela katata mo ne likona kuyela.

<sup>50</sup> Nihaike nge kuli Mulimu na ba lumezi mupolofita mwa mulaho wa mupolofita, mi ni ka sishemo se si bunolo sa Na kupela sicaba, mi ba fulalela mikokoto ku Sona. Ne ba bata nzila ya bona, neli ma Isilaele, ne ba lukuluhile, nebali naha yetuna, bashemi ba bona bakale neba ezize sa *kuli-ni-kuli* (Davida ni Solomoni), ne ba eza zene ba bata. Nto yeswana fela ye lu yemi ku yona, ona cwalo; seo Washington, bashemi baluna, ni se ne ba yemezi. Kono, muzwale, luna lu kwahule ka limaili ze lule kuzwa kwa lika zani; likeleke za luna li cwalo, limaili ze milioni.

<sup>51</sup> Bakale. . . Keleke ya Methodist kacenu, ku se ne i banga sona keleke ya Methodist! Seo Pentekota ili sona kacenu, ni se ne ibanga sona! Seo Baptist ili sona kacenu, ku se ne ibanga! Ne lubile ni nako ya kukuta kwa mulaho ni kuambola za John Smith ni buñata bwa baongaongi ba pili bani. John Smith naize, asika shwa kale, naize, “Nto yemaswe ki kuli basali ba Methodist ba kala kutina masale a gauda kwa minwana.” Methodist! Ki sikamañi sa kona kubulela kacenu ka ku ba bona ha ba kuta milili yabona, ni kuipenta kwa lifateho za bona kaufela, kutina tuputula? Ki bakeñisa sibi!

52 Ki sikamañi sa ezize Mulimu mwa America? Ulumile ancafazo mwa mulaho wa ancafazo, ancafazo mwa mulaho wa ancafazo. Bakutazi ba kutalize Linzwi, balikile kubizeza sicaba kukutela ku Mulimu. Mi ki sikamañi se ne ba ezize? Nto yeswana ya na ezize Isilaele, a I hatikela! Aba bona bukuba! A ba biza kuli “bapikuluhi baba kenile”! Aba nepela mwa tolongo!

53 Haiba alimuñwi wa likezeli zaka ni alimuñwi wa mizwale yaka, yazwa mwa keleke ye kacenu, na ba ka yema mwa hotela yani busihu bwa maabani ni kunanula mazoho a hae ni ku lumba Mulimu ni kuhuwa mwa sibaka sani, na kaba mwa tolongo kacenu ka zona. Kono ki macakolwa, sikwata sa likuba ze lyangunukile “zepikuluha kusina kukena” zekona kuyema ni kuhuwa busihu kaufela; ni macakolwa, ni kulwaha ni kufwañata liapalo za bahame ba bona ni kuzwelapili, ni kuwela fafasi ni kuhuwa busihu kaufela, mane nibona habakoni kubulela linzwi ka sona. Ki kabakaleo lu latehile mwatasi a lizoho la Mulimu!

54 Mulemuhe, cwalo ni cwalo, Mulimu a luma bakutazi, baeza lisupo ni ze komokisa, inze ba bonahalisa Linzwi la Hae. Mi taba yetuna fo, buñata bwa baituti ba za bulapeli ba Li hanile ni kuseha ancafazo ya mufuta kaufela. Ze bizwa kuli Church of Christ ni babañwi, “Mazazi a limakazo a felile.” Balika zende za bona kuli ba li time kuzwa kwa siemba nyana sani sa Mulimu. Sina mo ne kuinezi mwa Isilaele, kona mo kuinezi ni kacenu. Linako zeñata, Mulimu una ni kuzwisa sicaba sa Hae mwa likopano zani ni tutengo, ku ba isa kwahule mwa lihalaupa baine banosi, mi a ambole nibona. Mi Ukaba ni bo masiyaleti, musike mwa bilaela ka zeo. Na ezize cwalo nako yani, Uka eza ni cwale. Cwalo cwalo ba ya mwa sibi, ba capwaela mwa lika zeñwi. Kiñi? Bueteleli bwa bona, hakuna sesiñwi sa ku bu tuhelisa.

55 Kihande, busepahali, Ni ziba linaha zeñata kuli hane ba ka swala sicaba mwa mukwakwa inge si apezi sina mo lu apalela kwanu kwa America, ne ba ka ba beya mwa tolongo. Ha ne Ni ile kwa Saint Angelo, mwa Rome (cwale, munahane ka zona, ka bunyinyani ka mo liinezi zeo), nebana ni sisupo kwani, se si ezizwe ki Saint Angelo libita la mwa mubu, “Kwa basali ba ma American: ‘Shangwe amu tine liapalo kuli mukuteke bafu.’”

56 Haiba kuna ni sika se si mi kulisa, ki kubona sikwata sa baba ipiza kuli ma American ha si taha mwatani. Ne ni inzi fafasi, kwa Lausanne, ne lu sweli kuikola nama cwalo, zazi leliñwi, Muzwale Arganbright ni Na. Habusa, lwa kuta kakuli ne li lico zende. Ne ni ka nga mezi nyana kwani, hakuna ze ne ba lufile kwani kwanda ku lufa veine. Mi Na nga mezi, Ne ni lwezi ndondo ya mezi kwa lizoho, ka nako kaufela, kakuli ne ba si ke ba mifa mezi fa tafule. Mi se Ni kena mwahali mwani, mi lika kaufela neli zende kufitela “Maa America” akena mwahali kalibe yani ni kanja, kakatezi masila, ka ngo ye shengile; inza cakelezi bifaha bye bi leka ma senti a lishumi *cwalo*, ni kwai kwa mafelelezo a

mañwi *cwana*, aina fani inza tinile mukwa o sa lukeli; ni kubeya kanja kani fa tafule, ka masila, ni nto ye masila yani.

<sup>57</sup> Ki. . . nja kona nto yemaswe hahulu yeo Mulimu abulela ka yona. Neba sa bulishumi sa linja halikoni kufiwa mwa ndu ya Mulimu. “Kuswana sina lihule, sa bulishumi sa lihule,” ki Bibebe ye bulezi. Mi, ibo, ki zeo cwale. Ba ka nwa milyani ya kushambokisa lupepo ni kulifa ma dollar aeza likiti, mane, kwa kuleka kanja kakanyinyani; ni ku zamaya ni kona kwa ni kwa ni ku kafa lilato la mwana, kuli akone kumata mata busihu kaufela, inza kwalile lupepo lwa hae.

<sup>58</sup> Ki sikamañi se si libelela kwanda butata! Hamukoni ku utwa linzwi la ka hape, kono Ni bata kuli muhupule nto ye: Lu kwa mafelelezo!

<sup>59</sup> Kwani, lu fumana sene si ezahalile, se ne si ezahalile. Mafelelezo, hola *yetuna* ya taha: Akabe na ketilwe, mi ha ketilwe cwalo, a nyala Jezabele; yena musali ya bolile yani yana kenyeze Isilaele kaufela kukeno mwa bulapeli bwa milimu. Mi sina Isilaele mwa na ezelize nako yani, kiñi, se. . . Ne ba lukela kuba mwa buino bo bu wile, kuli ba lumeleze taba yecwalo kuezahala mwa naha yabona. Milao i pangwiwa ki batu mi i ezezwa batu, mi lu ezize nto ye swana!

<sup>60</sup> Nekuna ni nako foo America na si ke kuba. . . ne ba ziba hande kufita kulumeleza lihule leliñwi, licanci la kale le li kozwi mali a ba bulaiwa, a ba bulaya, mi libaka le ne ba sabezi kwanu, kubata tukuluho, nebasike ba ipeya taba ye cwalo. Ku bonisa kuli lu mwa buino bo bu wile mwa tumelo, naha kaufela, ka kuketa ze cwalo. Oh, eni sha, cwale mina. . . babañwi ba mina sicaba sa ba Democrat mu nahana kuli, kuli “Oh, kihande, uka—uka ba toho yende ya za naha.” Zeo zakona ku utwahala hande ha li hupulwa, kwa ngana ya butu. Kono kwa Linzwi la Mulimu ni ngana ya moya, ha si utwahali hande. Kaniti ha si ezi mane, ma dollar alikani ni mitelo kamba nto yeñwi ye pumilwe cwalo.

<sup>61</sup> Mi luna ni nako yetata, bahasanyi ba linzwi baluna mwa simu kacenu, kakuli cwale lu talimwa kuli lu naha ya Katolika. Kiñi, luli, Russia italimwa kuba naha ya ba swalisano kakuli bana ni mueteleli wa za swalisano. Red China italimwa kuli ki yaba swalisano kakuli bana ni mueteleli wa za swalisano. Lu talimwa kuba ba Katolika kakuli luna ni mueteleli wa Katolika.

<sup>62</sup> Oh, fani Akabe hanali fa lubona. . . Mu li, “*U inzi fa lubona.*” Yeo ki niti, kono Jezabele neli yena toho kwa mulaho wa lubona lwani. Ki yena yana zamaisa lika. Mutalime mwa na ngezi yona milao luli ya naha ni ku i fetaula, kuli ibe fela za hae ka buitati, mi aeza kuli Akabe aeze cwalo kakuli na nyezwi ku yena. Mi kona mo kuinezi ni mueteleli wa luna kacenu. Ha ni buleli kuli ha ki muuna yomunde, kono mutalime kwa se sili kwa mulaho wa hae: lihule, yona taba luli ye lu matela kwanu (kuba ba America)

kakuli; yona milao luli yeo America i yahile teñi. Luna, ka kuketa kwa luna bañi, lu ketile nto ye cwalo.

<sup>63</sup> Cwale mwa bona libaka linzwi la ka ha lika timiswa cwanoñu. Kono kuna ni ya ka ziba! Eeni! Kiñi? Sinulo 2:20, na ipiza kuli “mupolofita.” Mu talimele fela muzamao wa sibi ha u ezahala cwale. Mu talime ka tokomelo kuli mufite fa tokomelo. Mu talime zeama bunca, mutalime lika ze si za bumulimu ha liezahala mwa likeleke. “Mi, mafelelezo, ku ka taha nyandiso,” Bibebe ibulela cwalo, SA BULELA MULENA KISONA! Kiniti, ku kaba cwalo.

<sup>64</sup> Mi ki sikamañi se si ka ezahala? Inge fela mo ne kuezahalezi nako yani, kona mo ku ka bela ni cwale. Kacwalo na li mata anali mwa mulaho zona, nali yena yana li zamaisa. Mubale. . . Ni lumela kuli ki sebene- . . . mwendi kauhanyo ya 17 kamba 18, mwahali mwani, mu ka fumana sa na ezize Jezabele: mwa na ngezi Akabe, mi nekusina sa na ka bulela ka zona kakuli neli musala hae. Mutalime fo ne i yahilwe naha cwale, mu Isilaele ya wile ni mufumahali wa muhedeni (kwa mulaho wa hae) ya nali mulapeli wa Baalimu. Mi ki sikamañi sa na ezize? Kwa nalule lule aza lika kaufela kuba zenca, mi zende luli, mi sicaba sa ba ni zona ka bunolo luli, kufitela keleke kaufela iwela kazona, bakutazi ni babañwi. Kikuli Elia na si ka bulela kuli, “Mulena, ki Na fela ni nosi ya siyezi”? Mi sina mo ne kuinezi nako yani, za zamaelela ni kacenu.

<sup>65</sup> Kaufela bona ne ba saba kubulela sika. Kana ha ki nto yeswana fela ni kacenu? Ne ba saba kubulela nto yeñwi. Kacwalo lu fumana kuli, ne ba lukuluhile fela, baba nga lika ka sipundumukela, macakolwa, baba kona kucika, ni kulata minyaka, ni lika zeñwi kaufela, inge fela mo kuinezi kacenu. Jezabele inza shutanisa Mañolo ani. . . Ki sikamañi sa na. . . kamba milao yani, sina—sina Jezabele mwa na minyaukela. Muhupule, Jezabele, u ipiza kuli “mupolofita wa musali,” kuli a hatelele sicaba, mi ubulela kuli ki “yena linzwi la Mulimu fela mwa lifasi.” Uka eza kuli ngana ya butu ilumele zeo ka niti fela lifasi mo libezi teñi.

<sup>66</sup> “Ku ka taha milapelo ya musali, mwa United States, mi yani ikaba Maria.” Ni li boni, seti. . . 1931. Lika ze sebene ne li ezahalile. Ni na ni zona fa pampili fa, ki ze fa, ne li ñozwi ka 1931. Mo ne Ni bulelezi kuli “Muteleleli wa naha yo, Franklin D. Roosevelt, uka tiseleza lifasi kaufela, tuso ya kueza cwalo, u ka kasheza lifasi mwa ndwa.” Ne i si ka taha kale mwa ndwa, ka nako ya nyandiso. Se nili, “Nto yeñwi, . . .” Mi haili boma, ki ba Democrat babatezi luli, haiba ha ba si ka ni talima ka buhali ha Ni bulezi cwalo. Ne ni ize, “Ha ni na taba kamba ki wa Republican kamba akona kuba wa ba Socialist kamba kaufela sa li sona, se ki sa kuli SA BULELA MULENA KISONA.” Mi se Nili, “Ku eza cwalo, ki ku lumeleza basali kukena mwa liketisa. Mi ha ba eza cwalo, baezize iliñwi ya maswabisa amatuna a

sinyeho naha ye i si ka eza kale fateni.” Mi se Nili, “Zazi leliñwi ba ka lifa ka zona.” Mi ne ba ezize cwalo mwa liketisa ze felile zee. Kona ze ne mu ketile, ki basali.

<sup>67</sup> Ni mina sicaba se sinde babansu, ba kwa Mboela, mo ne mu botezi! Mu li, “Hauna musebezi wa kubulela cwalo fa katala.” Oh, eeni, Ni nani, ki Linzwi la Mulimu! Ni sitampatampa sa—sa Abraham Lincoln, yena ya na mi lukuluzi, siteni mwa ndu ya bo sibuhabuhi yani fa ndelezi ya musali, kono mina mu lekisa tukelo ya sipepo sa mina. Mu no swaba.

<sup>68</sup> Ni mina sicaba, kwa litaba za naha, kakuli mu ba Democrat fela babande, mwa botela nto ye cwalo, ni kulekisa tukelo ya kupepwa kwa mina kwa bu Americani ni Bukreste, kuli mulife kwa mahule baba lu busa mwa naha ye, ze ne luezize mo ne luinezi. Mwabona mwa sweli ku kenela mwateni? Ka bunolo luli, kurfitela cwale u inzi fa lubona. Luli! Lubona lwa White House.

<sup>69</sup> Mutalime! Kale . . . Kana muboni zazi leliñwi ka za likolo za Katolika ni likolo za Baipanguli? Batusa likolo za ba Katolika kono isiñi za Baipanguli. Mwabona? Oh, muzwale! Mutalime moya wa litaba zetaha mwateni cwale. Mulemuhe, mi hane ba ezize cwalo, mutalime se si ezahalile. Sibi se kaufela inge si bundama mwateni. Sa fita fa sibaka sesiñwi ni kukenya naha mwa sibaka sa ku tantalika.

<sup>70</sup> Myaha nyana ye felile, hane ba na ni . . . Mapentekota pili ba taha, za pilisa naha lilimo nyana kwa mulaho fani Al Smith ha na ka busa. America na ziba hande fani. Kono Pentekota ya ba hahulu ka bulifasi kuli ya kena mwateni ka kulekisa litukelo za yona ka kuba ya Bukreste, kutaha mwa lipolitiki, mi ki lipolitiki kwapili a Bibe. Oh, mawi!

<sup>71</sup> Cwale, fa muzuzu fela, mi mutalime se mo si tahela. Cwale, lu fumana sene ba ezize ni lika zene ba ezize, lwa libona ha li zamaelela fa ka swanelo fela, sibi kwa maneku kaufela. Jezabele natile mwateni, a loya batu kaufela. Mi mulemuhe, mafelelezo, akala kuyahela Baalimu tushandi totutuna. Kana ku cwalo? Mi baprisita ba Baalimu ba taha kuzwa kai ni kai kuli bakene mwa sibaka sani, ni kukala kusinya linaha ka milapelo ya Baalimu.

<sup>72</sup> Mutalime mo ba ezelize, mutalime mo ba kenezi mwa bucwani. Lika fela ze ba ezize, mutalime fo bainzi kacenu. Mutalime Bukatolika mo bu mizeleza lika, kumizeleza lika, kumizeleza lika; ba nyalelwa mwateni, kusinya se, ona cwalo fela Daniele mwa na bulelezi kuli ba ka eza. Sipi ni lizupa halikoni ku kopana, kono ki ku kopanya lipeu za zona hamoho, ku lyanganisa. Musizana kaufela wa Muipanguli ya ka nyalwa ku mushimani wa Katolika una ni kuhulisa bana ba hae ka Katolika. Kaufela ona cwalo, kunyala, lizwakanisa, ona cwalo kufitela si taha fa sibaka kuli konji United States kaufela se si kenezwi ki likokwani.

73 Ki sikamañi se lu ka eza ka kuba bahasanyi ba linzwi, lu ye lu yo lukulula mwa South America ni libaka kaufela za lifasi, Tommy Osborn ni babañwi, kulika kuzwisa sicaba mwa buhedeni bwani mi bakona kusupa munwana wa bona kwa mulaho kwani kuli ne lu ketile mueteleli wa luna, mi taba yeswana. O Mulimu. Ki sikamañi—ki sikamañi se si ka ezahala kwa lifasi le? Li lukela kunyunga mutu kaufela yaliteni mo. Lu ka alaba cwani? Ki sikamañi se ba ka bulela bahasanyi ba linzwi habakali, “Mutile kwano ku to lu lamulela ku se, mi sicaba sa henu si beya lika zeswana mwa ofisi ya mina mwani, fa lubona?” Kana luka eza cwani . . . Sikamañi . . .

74 Mutalime kwa mulaho mwa makepe a litaba za kale, mukute mi mubone haiba ki—haiba ki ze swanela, mane, ha li zamaeleli ni mulao kuli libe teni. Ne ba si ke baeza cwalo lilimo za kwa mulaho kono, mwabona, lu lekisize litukelo za luna za Bukreste kwa litaba za naha, mi cwalo kona diabulosi mwa ikenyeza mwateni. Akabe na si nto yeñwi kwanda sisusa fela sa toho yene zamaiswa ki Jezabele. Kona fela mo li ka bela ze, ki sisusa fela sa toho. Hana kueza cwalo yena, kono mulao wani mwa mulaho wa hae uka mu kasheza ku zona. Luli kiniti! Anyapa lizwalo la hao, wena Mukreste. U zuhe, seli manzibwana kufita mo u nahanela. Buino bo luli ku bona, buino bone bali kubona, ni mo ne ba ituhelezi kuba mutakafululele.

75 Ka mo pilu ya Mulimu ye lilato ne i bilaezi, ni kulila, ha Na bona sicaba sa Hae sa bahasanyi ba linzwi. Aba eza mutala, linaha kaufela zataha kai ni kai kakuli Mulimu na ba fuyozu, ku babona mwa buñwi, ka moya, ba sebeleza Mulimu. Mi cwale ka kunahana kuli Na—Na lakaza ku ba bona haba kutela kwa lilato la bona lapili ni kueza ze lukile, kono ka tundamo ba ikela, ni kuikela, ni kuikela, kufitela mafelelezo Jezabele ataha mwateni. Ki cona luli mo lu ezelize ona cwalo. Lu keluhile kwa milao ya Krete. Fani Mulimu hana lumile bakutazi ba Hae mwahala naha, ba kutaza za kukena (Pilgrim Holiness, ba Nazarene, Mapentekota), “Amukutele ku Mulimu! Mukutele ku Mulimu!”

76 Mi likeleke za kale ze tomilwe ne li seha fela ni ku boniwa bukuba. Buñata bwa bona balumeli ba kacenu, kiñi, ne ba nyazize lika kaufela zene ba eza baana bani ni kubulela kuli “Neli za diabulosi.” Ne li ezize sikamañi? Mi kekeke ya kala kuteeleza ku zona, sicaba sa kalisa kuteeleza. Nto ya pili mwa ziba, “Haiba musali wa Katolika aka tina mufuta o cwalo, Muipanguli wakona kutina ni yena. Haiba kekeke ya Katolika neika eza *cwalo*, ya Baipanguli yakona kueza ni yona. Mi haiba ba Methodist ba kona, kucwani he ku ba Baptist? Mi cwale haiba ba Baptist bakona, kucwani he ku ba Pentekota?”

77 Mwabona, ona mo kona milao ya ipangezi mutu i mi kenya. Haleluya! Yeo ki niti. Kona libaka ha Ni li lwanisa, kakuli Linzwi la Mulimu la li lwanisa. Milao ya ipangezi mutu: Mulimu wa i

lwanisa, Linzwi la Hae la i lwanisa, bapolofita ba Hae ba ka i lwanisa, Batanga ba hae ba niti baka li lwanisa, kaufela baba pepilwe ka Moya wa Mulimu baka li lwanisa.

<sup>78</sup> Mutalime Isilaele fa na fitile, mo ne ba kukezi ka mandinda, kuli mafelelezo Jezabele ataha. Mutalime America mo ibezi, ni ku cimbauka ka mamndinda a lifasi, kufitela mafelelezo Jezabele anga lubona. Yeo ki niti. Cwale, Jezabele kaniti na si yo fa lubona lwa Egepita . . . kamba, lubona lwa Isilaele, kono nali yena tenyene mwa mulaho wa lubona. Mi mundandwe wa litulo za ba Katolika ha u yo fa lubona lwa United States, kono ki yena mulao tenyene oli mwa mulaho wa ona kakuli u nyezwi ku yena. Mi Bibelee iize, mwa naha ye, ba ka bupa “siswaniso se si *swana* ni sibatana.”

<sup>79</sup> Oh, muzwale, kezeli, ki butata mañi? Kihande, Na—Na ziba kuli mo si inezi. Bibelee ibulezi kuli ba ka nga lusika lwa Laodesia loo, mi foo kona fo lu inzi. Mwakona ku ni toya cwale, kono zazi leliñwi hamuka lemuha se sili Niti. Wakona ku hana ni kuyema kuñala kuzwela fande, zeo libonisa fela butimbi bwa hao. Kono zazi leliñwi mu ka lemuha, zazi leliñwi mu ka lakaza za kuziba kuli ki Niti! Ni bulela cwalo ka Libizo la Mulena! Ni ipeya fa mayemo a kuzumiwa, zeo mane kona ze ka ni isa kwa libita kwa mafelelezo. Ni ka ba paki kufitela Ni shwa, haiba Mulimu a ni tusa. Yeo ki niti.

<sup>80</sup> Ki luna ba fa mwa buino bo luli kubona kacenu, kaufela zona linze li ezahala ona cwalo. Mwa Isilaele, mwa na ezelize, neli toho ya sisusa ku Jezabele kakuli na li wa- . . . na nyezwi ku yena. America, mueteleli wa luna, na ezize cwani. . . Mwa ziba mueteleli wa luna neli muuna ya fumile? Ki ba bakai baba ziba cwalo? Ki ndatetuna mwa ma milioni. Yomuñwi na ni bulelezi, mwa mutende wa magazine kamba fa wayalesi kamba televishini kamba nto yeñwi, Jack Benny kamba mutu yomuñwi na ezize. . . Ernie Ford, Na lumela neli yena. Yomuñwi naize kuli “Ndata he na mu tusize kuba ni mileneñi yemibeli ye ne si ya hae.” Mane fela una ni zesiyezi za yona kaufela. Na lin fumani cwani? Masheleñi ani natile cwañi? Ka kukenya macwala, ni zekola. Kona za na tulukiselize mitelo kwa macwala ni zeñwi. Kona ze mu fumisize kuba muuna ya fumile. Yona taba luli ye bulaike naha ya luna, yona taba luli ye sinyize minahano ya sicaba sa luna, taba yene kenyeze bashimani ba luna kuba macakolwa, ni basizana ba luna kuba mahule, masheleñi azwile ku zani kona a mu fumisize.

<sup>81</sup> Ki nto yeswana, ona mulao wa kale wa Jezabele wani, yona taba yeswana yene nyandisize sicaba sa luna, nto yeswana yene ba kenyeze (mwa Buroma) ni ku ba cisa ni ku ba aba fahali ni kueza lika kamukana ku bona, mali aswana a babulaiwa (Bibelee ya bulela) ainzi ku yena! Ki bani fani, ba nyalani hamoho. Mi luna ma American lwa tantalika ona cwalo, “Oh, kihande, luna ni ma dollar amañwi amañata nyana mi luna ni nako



yende. Mbweshwa kufita linaha zeñwi kaufela.” Kono, muzwale, mulibelele fela fa muzuzu.

<sup>82</sup> Ha lu li ngeni ka taku ni taku ya yona cwale, ka mizuzu yelikani yetatama, mubone sene si ezahalile.

<sup>83</sup> Bakutazi ba taha mwatani, inge ba minyuka fela hamoho ni bona, ba kenelela hamoho ni bona, milao yateni kaufela. Mulao kaufela wa Isilaele no zamaya hamoho ni Jezabele. Neba na ni mubonahalelo, eeni. Mi kana hanili Bibehe i lu bulelela kuli mwa mazazi a maungulo aa lukaba ni “mufuta wa bumulimu”? Sipolofita kaufela si talelelizwe, muzwale, lu kwa maungulo! Ka swanelo, lu kwa mafelelezo! Ka moya, lu kwa mafelelezo! Mulao kaufela u inzi kwa maungulo a ona! Taba yetatama ki kutaha kwa Mulena ni kucinciwa kwa Keleke.

<sup>84</sup> Mulimu na lumile sisupo kaufela, makazo, aeza lika kaufela za Na kona kuezwa, ka kulika kubiza sicaba, mi ka tundamo ne ba zwelapili ku kena mwatani. Mutalime tolopo ye kwanu. Mutalimele naha ye kwanu, ni batu baba mianda anda ba Pentekota; mi bakeñisa ku yema fa Niti, fo bainzi musihali wo? Kakuli yomuñwi na ba bulelezi kuli basike ba swalisana ni mukopano. Wena mubotana tuwe, ya shebile. . . Mulimu aku utwele butuku, kona nto inosi fela ye Ni kona kubulelela. Kanti mina Bakreste hamusana moongola wa mukokoto kufita zeo, muna ni lisapo la moongola wa nyunywani isiñi lisapo la moongola wa mutu. Kiniti! Se lutokwa ki “kukutaza Evangeli ye na ni meno,” ye ka lumaka ni kushabaka lika mwa liembaemba. Lwa ya fela sina babañwi babona kaufela, mi mu komoka libaka le lu huwelanga. Mi, mwa bona, muba ni “ku ketululwa.” Na libelele cwalo, Nina ni ba ni zona.

<sup>85</sup> Ze kaufela ne li ezahalile mwa Isilaele. Kwa mafelelezo, zazi leliñwi, kwa taha yomuñwi yazwa mwa lihalaupa, kwa taha mucembele wa mahaha, Elia wa kwa Tishibe. Na si ka zwa mwa likopano kaufela, na zwa mwa lihalaupa! Na sina sa kuezwa ni zona. Nali mupolofita wa Mulena. Muzwale, a nyunga mubuso wa Jezabele wani kwa lika kaufela ze ne li ku ona. Ne ba mu toile. Na sina balikani, Ni ka mi sepisa cwalo. Bibehe ha i buleli cwalo. Kiniti. A eza kuli bo Jezabele bani “ba nyeme,” Na akaleza. A beya silepe kwa mubisi wa kota kaufela sina Joani mwa na ezelize, liemba emba ne liwela maneku kaufela, kono aibeya mwani. Na nyungile naha, kubonisa kuli ne ba fosize, ni kulika ku ba bizeza kukutela ku Mulimu yapila, ni kukutela kwa Linzwi la Hae bakeñisa kuba mwa sibaka sa ku lapela Jezabele.

<sup>86</sup> Ki sikamañi se ne ba ezize? Kikuli ne ba mu amuhezi? Ne ba mutoile! Kono Linzwi la hae ne li zwezipili ona cwalo ka kuswana, kakuli nana ni sa kuli SA BULELA MULENA KISONA! Mulimu na beleka ni yena, mi a bonisa kuli nali mupolofita ya tozizwe ka lika za na bulezi ku li li ka ezahala. Mi kaufela za na eza ne li paka kuli nali mupolofita wa Mulimu.

Kono niteñi ne ba si ka Li lumela, kakuli na pazuzi mandu abona mwa kubapalela. A ba bulelela kuli ne ba fosa. Akabe ne li mutu ya sa zibi lika. Niti! Mi mu lemuhe ne ba si ka mu lumela, kono na Li kutalize ka kuswana fela. Hakuna nihaiba alimuñwi wa bakutazi yana lumelelana ni yena, ki hali, “Kina fela ninosi ya siyezi, Mulena. Mu ba talime, mane habana nihaiba. . . alimuñwi, hakuna mutu yaka lumelelana ni yena.” Kono nana ni tumo ya kueza cwalo. Nana ni Linzwi la Mulena, SA BULELA MULENA KISONA! Mi a taseza naha, a taseza keleke, a taseza lika kaufela ze ne liteni, mi Mulimu nali ni yena!

<sup>87</sup> Lu sepisizwe, mwa mazazi a maungulo, kuli uka kutela kwa naha ye ni hape. Na ziba, Jesu, fani. . . Mateu 17, ha ba Mu buza kuli, “Ki kabakalañi bañoli ha ba bulela kuli, ‘Elia. . . ?’”

<sup>88</sup> Mutalime sa Na bulezi, “Elia kaniti una ni kutaha pili,” kale, kwapili- . . . mwa tensi ya kwapili. Kono he A fa Joani kuba mutala. Joani na si Malaki 4. Joani nali Malaki 3, “Amubone, Ni luma numwana fapila Ka, kuli alukise nzila.”

<sup>89</sup> Malaki 4, Naize ize, “Lizazi lelituma le lisabisa la Mulena li si ka taha kale, fo lidasi kaufela ha li ka tuka sina matakala; lizazi leo li si ka taha kale, Ni kabe ni lumile Elia.”

<sup>90</sup> Mi ne si Joani, kakuli Mulena na si ka cisa lifasi fani Joani ha taha. Mi haiba mu lemuha, mwa kauhanyo ya mafelelezo, mwa timana ya mafelelezo, Na ize, “Mi yena. . .” (mutalime: *yena* ya bulela) “. . . uka kutiseza lipilu za bashemi kwa bana, *ni* lipilu za bana kwa bashemi.”

<sup>91</sup> Cwale mutalime! Joani wa pili natile, yena Elia wa pili, ki sikamañi sa na ezize? Ataha ku to tisa Liñusa ni kufetula lipilu za ba orthodox za kale kwa tumelo ya keleke yenyinyani, bana. Kono cwale Elia ya tatama ha taha, mwa nako ya maungulo, una ni kukuta ku yo nga li—li lipilu za bashemi. . . lipilu za bana, nitaluse, ni ku li kutiseza kwa Tumelo ya bashemi ba pentekota. Mwabona shutano? Haana kuba limuñwi wa baba *bizwa cwalo* bo lunani kacenu, u ka kutela kwa Likezo 2 ni kukalisa hape ona mwani. Uka kutaza Evangeli ye si ka zwakiwa, kubulela fela lika zeswana za na bulezi Pitrosi ka Lizazi la Pentekota, kakuli sa na bulezi la Pentekota li pakile Mañolo amañwi a siyezi hande. Haana ku potoloha mwa matuko ni kopano yeñwi, nako ya taha Elia. Uka toya basali sina Elia mwa na ezelize, inge fela. . . kamba basali baba maswe, inge fela Joani mwa na ezelize. U kaba ya tabela lihalaupa inge fela mone ba inezi. Haana ku katwa. Lu mu libelezi kuli atahe. U ka taha! Mulimu na bulezi kuli uka taha, mi ukaba teni fa!

<sup>92</sup> Na lumela, haiba kuna ni sika kaufela, Liñusa le lunani kacenu lika twaleta kutaha kwa hae kwani. Eeni, sha! U mwa musipili wa hae, u pepilwe kale. Sina Elia mwa na bezi, mi ataha inza shokomoka mwa lihalaupa, kokuñwi uka itibahaza ili yena. Uka kutaza Likezo 2. U ka tisa Tumelo ya bashemi ba kale ba

Pentekota bani kukutela kwa . . . tumelo ya bana ba Pentekota baa, kukutela kwa Tumelo ya bashemi ba Mapentekota. U kaya ka swanelo, ku kutela kwa Likezo 2, Likezo 2:38, kushetumuka cwalo hande. Uka tisa Evangeli ya niti, ye si ka zwakiwa. Haana kuba ni sa kueza ni Jezabele ni mulao wa hae. U kaba mutanga wa Mulimu. Luli ukaba cwalo! Bibebe ibulezi kuli ukaba cwalo. Uka polofita ni ku tibulula Liñusa la hae kwa sifateho sa bo Jezabele baa, ona cwalo fela sina Elia mwa na ezelize kwa simuluho kwa Isilaele. Ba ka mu toya! Habana ku lumelelana ni yena. Batili, batili. Uka taha! Mulimu na sepisize cwalo, mi uka zuha atahe mwa sibaka. Uka—uka kutaza kwa Keleke ye Ketilwe sina mo ne I bulelezi kuli uka eza cwalo, kunyunga Baketwa bani, ku nyunga lizwalo lani mwateni, li—li lifasi ni lika zeñwi, lisweli la zikinyeha, ku li shetumuka, kutisa Keleke hamoho, ki sicaba.

<sup>93</sup> Na ziba mu li, “Yeo kona kopano yaka.” Muzwale, wa fosa! Joani natile sina mulao ulimuñwi ku to zibahaza Muuna Alimuñwi: Jesu Krete. Mi Elia haana kuba mulao, ukaba mutu, Jesu na bulelezi cwalo. Ikaba muuna alimuñwi ya tozizwe ka Moya o Kenile. Mi haana kuzibahalisa balimu babalalu kamba babane, uka zibahalisa Alimuñwi: yena Mulena Jesu Krete, kakuli Liñusa la hae li ka nyunga bana ba Pentekota kukutela kwa Tumelo ya bashemi hape.

<sup>94</sup> Mu hupule, muzwale, haiba Ni bulele litaba ze kuba zesina tuso, Ni lukela kuba fa katala. Na mi bulelela kuli, “SA BULELA MULENA KISONA!” Haiba Mulimu ha si ka paka kuli Ni mi bulelezi Niti, mwahala naha, kupotoloha lifasi, mi mu ni bulelele fo ne kuna ni mafosisa. Na mi bulelele Niti! Mukutele ku Mulimu, kapili! Muzwe mwa milao ye, kakuli Bibebe ibulelezi cwalo mwa Buka ya Sinulo, kuli mundandwe wa litulo za ba Katolika ya Roma neli “lihule,” mi nali “mahe mahule.” Ki sikamañi seo? Likeleke, milao.

<sup>95</sup> Mi cwale keleke yaba Methodist neili kai, keleke yaba Lutheran, neizwa kai? Kana ma Methodist, Baptist, kanti likopano kaufela ne li zwile kai? Mulimu na si ka ongaonga keleke. Keleke ya Katolika ibulelezi kuli ne ba kalezi kwa mulaho kwani ki, “Jesu ya na ongaongile keleke.” Ni bata—Ni bata likepe mwa litaba za kale, kamba likepe mwa Bibebe. Nekusina kopano ka myaha ye mianda yemilalu ni ye silezi kasamulaho wa lifu la muapositola wa mafelelezo, mi se ba eza Katengo ka ba Nicene ni kuba ni katengo. Mi cwale Luther ha na zwile . . . nali muuna yomutuna wa Mulimu, kono ha na ti lo ya fela, sikwata nyana sa batu sani sa yo panga kopano yeñwi. Mi Moya o Kenile wa ya ku John Wesley, na si ka ongaonga sika kaufela, kono kasamulaho amano ya se ba ikongakonga. Mi Moya o Kenile wa taha ni Mapentekota, mi ba zwa mwahala Methodist. Mi ki sikamañi sene si ezahalile? Mi ba ikongakonga.

<sup>96</sup> Kono ku kaba mulao ulimuñwi wa mutu o ka taha ka mata ni tozo ya Elia, ili ku to taleleza sipolofita. Halebuya! U ka li nyanganyisa. Mi, muhupule, na polofitile ku bona, ni kupolofita, ni kuba bulelela lika kaufela, mi Mulimu a beleka ni yena. Kono Liñusa la hae la mafelelezo ne li lwanisiwe kwa ndu ya milao White House. Uh-huh. Nako ya na tile Joani, Liñusa la hae la mafelelezo ne li lwanisizwe kwa White House ya lizazi lani. Liñusa la mafelelezo la Elia, ha na zamaya mwa nzila yani kakusasana wani kasamulaho wa kuba fa Pila Mulimu kwande kwani, a zamaya mwa nzila yani ni milili ya kale fwaaka ku yena, toho ya sitenda ye inge ibenya, mahaha inge a fuka fwakaa, ona meto amanyinyani ani, nasweli ku monyeha ka kanya ya Mulimu. Kota yani mwa lizoho la hae, ni mautu a hae ka tukufalelo luli mo akona kubela. Ki sikamañi sa eza? U zwa kwa Samaria kutaha fa pila ndu ya milao White House, mi ali, “SA BULELA MULENA KISONA!” Kusina sa na saba. Likeleke ne li mu hanile, sicaba ne si mu hana, kacwalo cwale usweli kulwanisa la mafelelezo, fa White House.

<sup>97</sup> Mi cwale ki sikamañi se ne si ezahalile? Muteeleze! Kasamulaho wa tasezo yani, linzwi la hae la kuziswa, hakuna ya namu utwile hape. Mulimu amu bizeza kwande, ali, “Elia, u zibahalisize Liñusa la hao kwa Isilaele kaufela, ba Li ziba. Cwale taha kwanu kwa lihalaupa, zwa ku bona, kauhana kwateni kakuli Ni ka eza nto yeñwi. Ni ka ba bonisa taluso ya kufulalela kwa Liñusa la Ka.” Ki sikamañi sene sitile mwateñi? Ndwa, lukupe, tala.

<sup>98</sup> SA BULELA MOYA O KENILE KISONA, “Mu tokomele ze taha! Mu tokomele ze tatama! Ne kuna ni tala, *ku kaba* tala!” Oh, mwendi ha ki ya buhobe, kono ki ya kuutwa Linzwi la Mulimu ni Niti ya Hae. Likeleke kaufela lika lumelelana ni kukena ku zona ka kuswana fela, inge fela mo li mizelelizwe fela mwateni.

<sup>99</sup> Ki sikamañi sa na ezize Elia? Na fumani liweluwelu le li patilwe, fahalimu mwa lilundu mwa na i lo fumana Mezi a Bupilo, Sinulo ya bumulimu yezwa ku Mulimu ha na inzi fani mwatasa mata a Mulimu. Sinulo ka kuba liweluwelu le li patilwe, kanti babañwi ba kubona inge ba bulaiwa ki tala. Mi Mulimu afuyola batanga ba Hae (mañwalala ani), a mu tiseza lico ha na ikambusize kwa sicaba. Mi nebali kwani inge ba shwa tala ya ancafazo ni ze ne ezahala kaufela. [Hakuna manzwi fa tepu—Mu.] “Ha lu sa utwanga zeñata za li ancafazo ze. . . Ukai muuna muhulu yani ya omanyani ni ku kalimela likopano zaluna? Kana uinzi kai cwale?” Ne ba sa zibi. A hohela neku li li liñwi ni Mulimu, kukena mwa sibaka se si kwahule kone ba sa utwi linzwi la hae. Mi ba kala kubona.

<sup>100</sup> Mi Mulimu ha luma Liñusa ni kubulelela sicaba, mi ha ba Li amuheli, mi Yena u zwisa fateni mutanga Hae ni kuluma likoto za Hae: tala, lifu (kubulelela ka moya, ni ka nama hape). Mutokomele sinyeho, muzwale. Mu nahana kuli muboni nto

yeñwi, mu libelele fela fa nako nyana. Hakuna ze muboni fateni. Mu nanaha kuli mu shwela acafazo yende ya moya, mulibelele kufitela kasamulaho nyana. Mu libelele fela, nako yetelele mi mulilele ku utwa Linzwi la Mulimu. Bibebe ibulezi ona cwalo! “Ku kaba tala mwa mazazi a maungulo,” kubulela mupolofita, “mi isi ka buhobe ni mezi fela, kono ka kuutwa Linzwi la niti la Mulimu.” Kono linzwi lani li ka kuza, mwa lihalaupa kokuñwi, li patilwe.

<sup>101</sup> Na lukisize mañwalala, batanga ba Hae. Lifuyolwe linyunywani zani, Batanga ba hae, bene ba bulukile linzwi la—la Elia inze lipila ka nako ya—ya hae ya ku ikambusa kuzwa mwa keleke. Mañwalala na mutiseza nama ni sinkwa ka nako ya kakusasana, ni nama ni buhobe mwa manzibwana, mi na nwa kwa kaweluwelu babañwi ha ne ba li kwani bapila kusina sico sa moya ni mezi.

<sup>102</sup> Mi zazi leliñwi, kasamulaho sibi si ma no etelela, mi Mulimu na tisize sicaba sa Hae fa mañwele a sona . . . Jezabele na ngile lika kaufela, a li pukuta kaufela, mi uka lieza hape! Zeo ki kuli SEO SI BULELWA KI BIBELE YA MULIMU YE KNILE, “Uka eza ona cwalo hape.” U inzi fa lubona cwale, kwa mulaho a toho ya sisusa; inge a pikulusa ka nzila ya lata kaufela, hakuna ya ka lituhelisa. Kaniti, hakuna ya ka mu tuhelisa cwale, kakuli ze ne ba sina mwa likwenda za bulapeli ba li puma—ba li pumaka mwa liemba za litaba za naha, mi teñi ba li ezize. Uh-huh, ona zeo kona ze ne ba ezize luli. Ili zeo, litaba za naha likaba fela kuñala ku kutela kwa nombolo ya sibatana, sina ha Ni yemi fa, mwabona, sina Bibebe ha i bulezi.

<sup>103</sup> Ni ziba kuli se lu liyeha, Ni ka akufa. Ni lukela kubeya linzwi la mafelelezo le mwateni, haiba Mulena uka ni lumeleza.

<sup>104</sup> Mutalime! Elia na inezezi ona kwani kufitela Mulimu amu shenyisa. Na sina li ancafazo. Na si ka kutaza kulwanisa sika. Na yemi fela fani ni Mulimu anosi, kwani mwa lihalaupa, kakuli nali mutu wa mahalaupa. Na hulezi mwa lihalaupa. Kona ni Joani mwa na hulezi mwa lihalaupa.

<sup>105</sup> Naile mwa lihalaupa anosi ni Mulimu, a funduka kuzwa kwa keleke kasamulaho amano fa Liñusa la hae. Mi keleke ya Li hana, ku Li hana. Mi mafelelezo likopano ne li si ka eza sika, kacwalo nana ni fela kuzwa mwateni. Mulimu amu bizeza kwande a simu, a muisa mwa lihalaupa, ali, “Zwela kwanu, habana ku teezeza ni kamuta. Taha kwanu, mi Ni ka sulula katulo ya Ka fahalimwa bona.” Oh, eeni, ukaba fa leliñwi la mazazi aa, mutalime.

<sup>106</sup> Mi, kasamulaho wa mazazi a sipolofita sa hae, ki sikamañi sene si ezahalile? Keleke ya icambaela, kubembiwa kokutuna kwa Jezabele, abanga kaufela ku yena, a icela bona. Abanga ku yena, ni kuyaha misima ni lika zeñwi kaufela.

<sup>107</sup> Kono, zazi leliñwi, Mulimu amu biza hape! Ki yo ataha. Muteeleze hande cwale, mi musike mwa ni nyemela. Ni bulela

kuli, “SA BULELELA MULENA KISONA!” Ha na zwile, ki sikamañi sa na ezize Mulimu? Na mu lumezi ku musali wa mbelwa. Musali nana ni—ni puso yene mu busa, kono sa lwala lifu kuli a lukuluhe kuli akone kulumela Linzwi la mupolofita. Mwa ziba cwalo? Nana ni muuna hae ya na mu zamaisa mwa nzila ye ni nzila yani, ku sesiñwi sa likolo kwani. Kono ka nako ya linanga tuna le, na sa cilwe, lifu ne li mu ngile. Na si ka tamahana ni kopano ni yeñwi kaufela, kacwalo na i tukiselize ku utwa Linzwi la Mulena. Musali, ku talusa Keleke; mbelwa, kuli muuna hae (kopano) na shwile, mi na hupula fela kuli atuha a timela cwale ni yena. Mi Mulimu ali, “Zamaya cwale ku yena cwale, uka ku utwa, Ni mu laezi.”

<sup>108</sup> Oh, lwa nahana fokuñwi, mina sikwata nyana kwani se si sephala hahulu ni kueza lika kaufela zemukona kuba ni mukopano, ku lika kubonisa kwa sicaba kuli pilu ya hao i lukile mi ubata kuli ibe hande, mu nahana kuli muna ni nako yetata. Kono, muhupule, Mulimu u mi talimisize liito la Hae! Mwa Mu lata, Na ziba mwa Mu lata, hamukoni kuina mo, nemusike mwa ina kuyeñwi ye cwalo. Mulimu u mi talimile ka liito la Hae. Eeni!

<sup>109</sup> Mi hana ezize cwalo, muuna hae na sa shwile, kopano ya hae ne ishwile, kacwalo ulibelezi ku utwa Linzwi la mupolofita. Kacwalo mupolofita ha taha fa munyako ni ku mu kupa me—me mezi nyana, akena ku yo mungela ona. Mi ki hali, “A ku nitiseze muñwato wa buhobe.”

<sup>110</sup> Mi ki ha sikuluha ni kubulela kuli, “Ka Mulena ya pila, Hanina zeñwi konji fela zelikani kihona.”

<sup>111</sup> Cwale, ne ku bonahala na lumilwe ku yo byangula totunyinyani twa na nani, kono ne li ka kushutanisa. Fani hana itakaleza kufa sa na lukela kuyemela Linzwi, Mulimu a mu fepa. Mi haiba u itoboha kufa Moya o li kuwena, mufuta wa Moya o Mulimu a ku file ka kutusa Linzwi, konakuli Mulimu uka ku buluka inze u pila. Haleluya! Oh, kanya ku Mulimu! Kana mwa bona nji, keleke? Musike mwa nahana kuli Ni lyangani, Ha ni si ka lyangana. Kono so nani, zenyinyani zo eza u lumele ku Mulimu, kuya ka tumelo yo nani, li beye fa Linzwi, isiñi fa kopano! Li beye mwa Linzwi la Mulimu, Uka ku pilisa.

<sup>112</sup> Na itukisize kale nako yani, kakuli na si ka itukisa kale, kakuli ne ba si ke ba mu lumeleza. Kono cwale uitukisize. Kana uka li amuhela? Mulimu na lumile mupolofita ka nzila ya hae. Kikuli uka amuhela Linzwi la hae? Kana uka amuhela mupolofita yoo nji? Eni, na mu amuhezi. Mi a mu bulelela, ali, “Cwale, bupilo nyana bo nani, bu beye fa, butise kuna pili.” Mi ki sikamañi sene si ezahalile? Fani lifasi kaufela hane li shwa ni kushwa tala, yena ni bana ba hae ni bandu ya hae kaufela ne ba ca lico zekwanile halalu ka zazi, Sinulo ya bumulimu fa Linzwi. Na sepa mwa i bona, balikani.

113 Ki sikamañi sene si ezahalile? Na inzi ona kwani kufitela tala ifela, kupila ni musali yoo (Keleke ye) yana mu amuhezi mi alumela Linzwi la hae. Mi amu inisa inza pila (abeya Keleke inze ipila) ka Linzwi la Mulena, kakuli na bulezi kuli “SA BULELA MULENA KISONA.”

114 Cwale, haluna nako ya kufeza likande kaufela hande, mwa ziba, mwa na tezi mwa kangisano ni Baale. Uka eza cwalo, leliñwi la mazazi aa, musike mwa bilaela. Ha taha inza fwayaela mwa lihalaupa, mutalime se si ngile sibaka.

115 Ki sikamañi sene si ezahalile? Mi cwale, Elia wa mucembele, mupolofita, mutanga wa niti wa Mulimu, ataha kwa mafelelezo a nzila ya hae, Mulimu a mu bulelela, zazi leliñwi, ali, “Elia, u kotalize nako yetelele kihona cwale. U lwanisize Jezabele ni mipende ya hae kaufela ni lika kaufela kufitela uba ni zeñata za zona.” Ali, “Taha uzwele kwa Jordani!” Mi ki yo waya, kuyo punya kwa Jordani. Kwani nekuna ni kanukana ka sileze kene ka buba bwani, ye bata, mezi a kangezi, sina mutu hana ni kutalimana ni zona: Jordani, lifu.

116 Kono cwale mutanga yomutuna wa Mulimu yo hana ile kwa Jordani, mi mwana hae inza zamaya bukaufi ni yena, mwana mwa evangeli, . . . Oh, eeni, nali mwana hae, “Ndate, ndate, likoloi za Isilaele, bapahami ba zona.” Mi yena ni mwana hae ha ne ba zamaya lizoho mwa lizoho, ku yo punya kwa Jordani, na sweli kutalima ndatahe ha ya kakusasana wani.

117 Ha yo fita kwa Jordani, a talima kwa ni kwa ni kuswala kubo ya mata ani fa maheta a hae, ali, “Lifu, hakuna so kona kueza kuna.” Mi a nata fa Jordani, “Aku ikabe, Na silela mwabuse kakusasana wo.” Kiñi ze ne fosahalile? Ya kuta mwa mulaho ni kuona sina musili. Mupolofita wa mucembele na eza sikamañi? Na sweli kutalimela mwabuse bwa Jordani, na zibile kuli nekuna ni koloi yene mu libelela mwabuse ni lipizi. Na ya kwa hae, musebezi wa hae no so felile. Mwana hae mwa Evangeli nanga sibaka sa hae.

118 Ne ni taha kwa hae zazi leliñwi kuzwa kwa Wiko. Se si taha mwa munahano waka. Na tukisa silimba (Ne ni na ni ku koboca mazazi a malalu, limaili ze twenti-foo, ni nosi). Na tukisa silimba mi Na . . . na teezeza lipina za moya za Del Rio, Texas. Nekuna ni muuna yana fa ngambolo ka za muuna, yo munsu, wa mucembele. Na libelela kushwa mi nana ni kutaha kwa nuka, ki hali, “Manyatela a gauda o Ni ka tina, ha ni ka zamaya mwa mikwakwa ya hauda.” Mucembele yomunsu yo na kotalize bupilo bwa hae kaufela taba fela ya na nahana neli kuombaomba, kona zana bile ni zona, neli banjo ya jae ya kale yene pahekiwa fa limota. Aina fa saka ya bwanda ni kuliza lipina, a i katulusa kwa bulumiwa bwa hae, ka banjo ya kale. Yani neli yona nzila ya na nani, ya ku i katulusa kayona. A bulela kuli pelesa ye tinishizwe makatulo a kumatisa ikaba kwani ni

koloi. Ne ni sweli kunahana ka zona. Na ize, “Manyatela a gauda ani o Ni ka tina, ku yo hata mwa mikwakwa ya gauda.”

<sup>119</sup> Mi hana felize kuopela, Na tima silimba. Mi na shetumuka cwalo, inze ni sweli mukoboco. “Oh, yeo ki niti. Ni lukela kwifita kwani nina. Ki sikamañi se si ni fa mbombolelwa? Kikai ko Ni fumana mbombolelwa mwa lihalaupa?” Ni na ni tobolo nyana, ya kale yebizwa kuli. . . Na zumanga ni yona mwa nako ya litabula mwa silimo. Ki ya .270, model 721, Remington. Ki muuna, muzwale, yana ni file yona, mwa California, myaha ya kwa mulaho. Ni zumile ni yona fa lilimo ni lilimo. Haki. . . ha ki mbombolelwa ni yeo mo ibezi, kakuli Na—Na ziba kuli ki tobolo yende ya ku kunupisa, mi ki mbombolelwa yaka mwa lihalaupa.

<sup>120</sup> Mi Na hupula ka pono yaka. Ha Ni yo fita kwani ni kubona sicaba sa hesu kaufela, Na utwa sesiñwi se si lila, mi ki yo Prince waka ataha (pelesa yaka ye nyinyani) mi ya beya toho yayona fa liheta laka. Na hupula kuli, “Eehe, leliñwi la kakusasana cwana Ni ka taha nina, kwa Jordani.” Mi yona .270 ye ne Ni itusisanga kwani. . . ipahekilwe fa limota. Ha ni si ka itusisa yona kuzwa litabula lelifelile. “Yona pelesa nyana yani yene Ni pahamanga, Mulimu na i tamelezi kwa koloi yaka, kakusasana wani ha Ni taha kwa nuka.” I ka yo yema mwabuse bwa nuka mwani. Mulimu uka i luma, Ne ni i boni busihu bobuñwi. Ika fungiwa kwa koloi yaka, leliñwi la kakusasana cwana. Ni kabe ni iile, ni yo pahama fa malu.

Halu lapeleñi.

<sup>121</sup> Oh, kwa mata a Mulimu ani e Ni ka ikola sina ha Ni zamaya mwa mikwakwa ya gauda yani! Eehe, tobolo ya kale ye pahekilwe fa limota cwale, haina kuba ni tuso ni yekana ka yona nako yani. Ha ni zibi, haiba koloi yaka ika yo taha, haiba pelesa nyana yaka ye ne Ni boni mwa pono ika yo tamelelwa kwa koloi yaka, kakusasana wani, inge ni yemi kwa nuka kwani. Na sepa ikaba teni. Ni bata ku yo ngelwa mwahalimu. Ni bata Keleke ku yo ngelwa mwahalimu ona cwalo ni yona, Ni bata cwalo ku mañi ni mañi wa mina.

<sup>122</sup> Kana mutabela kuziba nako ye mutaha kwa Jordani? Kikuli muka itoboha milao ye si ya bumulumu ya lifasi le ni kuamuhela Jesu Krete kuba Mupulusi wa mina? Haiba ha u Mukreste, nanula mazoho a hao ni kubulela kuli, “Ni lapelele, Muzwale Branham. Ha Ni ka taha kwa Jordani, . . .”? Mulimu ami fuyole. Mulimu ami fuyole. “Ha Ni taha kwa Jordani, Ni bata ku yo apala mata a Moya o Kenile mi ni yo nata fa mezi a bata, ni kusilela mwabuse.”

<sup>123</sup> Mukona kuina cwani mwatasi a kubulela ko kucwana, tozo ya Moya o Kenile, ni kuziba kuli Moya o Kenile u ni bulelela buino bwa hao, mi upalelwa ku nanula lizoho la hao? Ku bonisa kuli seli nako ya musipili wa lihalaupa! Kana kukaba alimuñwi



lu si ka lapela kale, yomuñwi? Kuna ni bababeli baba nanuzi mazoho a bona; babalalu, Mulimu aku fuyole, mwana.

<sup>124</sup> Ndata luna yakwa Lihalimu! Babalalu; zeo likaba hande, Mulena, haiba baka—baka ba kwani ka lizazi lani. Ni lapela kuli ba yoba kwani, Mulena. Ba nanuzi mazoho a bona kakuli ba kolwa kuli milao ya lifasi ye ya shwa, mi manzwi a Linzwi la Mulimu akaba nto yetata kuli afumanwe, Mulimu uka a zwise mwa keleke. Sililo, pizo ya Munyali ika tuhela cwanofu mi mulao wa Jezabele uka i hatikela. Kono bona ba bata ku . . . pila ka liweluwelu le li patilwe lani sina Elia mwa na lukela ku bukelezwa ka nako ya tala. Mulimu, a ku bafe Moya o Kenile cwale, taza lipilu za bona ka tabo ni kozo, ni kubeya mihupulo ya bona fa Linzwi la Mulimu kuli bakone kupila cwale ni kuzwa cwale mane, kuyakuile. Ba fuyole, Ndate. Ki ba Hao, ka Jesu Kreste Mulena luna.

Ni litoho zaluna zeinami cwalo:

<sup>125</sup> Bona baba nanuzi mazoho a bona mi ba bata kuamuhela Kreste, mwakona kuyema fela cwale, fa nako nyana, hanze Ni mi lapelela? A mu nanue fela.

<sup>126</sup> O Mulimu, kana Ni palezwi nji? Nihaiaba babalalu ba ba nanuzi mazoho a bona, kusina buikolwisiso bwa kunanuha kuyema kuli ba amuhele taba luli ye ba ezize. Mulena Jesu, Ni li beya kaufela mwa mazoho a Hao. Ni kutalize Linzwi la Hao, mi ha ni si ka keshebisa nihaiba hanyinyani. Cwale Ni—Ni siya ndu ku bona, Ndate. Eza kaufela ze swanela kwa bubeli bwa keleke ni mutanga Hao, kaufela zona limwa mazoho a Hao.

<sup>127</sup> Ndate, Ni lapela kuli U pilise baba latehile, utaze lipilu ze lapile ka lika zende, fa Bupilo Bobusafeli ku baba nyolelwa, nanula batanga ba Hao kuli ba shaele Liñusa, fa foliso kwa bakuli ni baba imezwi, ikungele kanya ku Wena, kakuli ni ipa ili Na kwa Linzwi la Hao. Mi mwa lizoho laka, ni mwa pilu yaka, mi ni mwa munahano waka, uñole Milao ya Hao, ka Jesu Kreste yena Mulena luna. Amen.

Ha Ni taha kwa nuka mwa manzibwana,

Hani lati kuopela cwalo.

Mi ku bonahala kuli balikani baka kaufela ba ile;

Ku kaba Mutu ya ka libelela ku ni bonisa nzila, Hanina ku yo sila Jordani ni nosi.

<sup>128</sup> Kana no file makadi a litapelo, Bill? Ni ikutwa bukiti. U file sikamañi kacenu? B? U file ni ma A hape, nji cwani? Ku lukile, biza ma B pili, yapili kuya . . . Kadi ya tapelo B, nombolo yapili. Lu ka lapelela matuku amina. B, nombolo yapili, ki mañi yana ni yona? Kadi ya tapelo B, nombolo yapili, yomuñwi kwa mulaho koo. Taha kwanu, kalibe. B, nombolo yabubeli, nanula lizoho la hao. Kalibe yani? Nombolo ya bulalu. B, nombolo ya

bulalu, nanula lizoho la hao shangwe, kuli Ni bone fo inezi. Sili? Nombolo yabune, B, nombolo yabune. B, nombolo yabu ketalizoho. Kana mwakona ku nanula lizoho la mina shangwe? B, nombolo yabu ketalizoho. Muuna yani? Ku lukile, silezi, supile, eiti, naini, lishumi, ilebene, twelufu, setini, fotini, fifitini. Kihande, fa, ba ma B kaufela amu yeme, kanti. Fela . . .

Kuli . . . [Hakuna manzwi fa tepu—Mu.] . . . kukena mwa lifasi kaufela, mulumiwa ufi kaufela mwa simu, kaufela ko bakona.

<sup>129</sup> Makadi a litapelo kaufela a B amu yeme mi mu be ka libaka za mina kuya ka linombolo za mina.

Cwale, ki ifi yene tatama? A? Ki mañi yana ni kadi ya tapelo ya A, yapili? A, yapili, uinezi kai? Luli ki ye fa. A, yapili? Ba se ba filwe ka mazazi amabeli, kamba amalalu cwale, kona kuli hakulata habakoni kuba mo. Kaufela babana ni makadi a tapelo ya A, cwale ha mu yeme fa cwana. Amu ye kwa limota, ka likute.

<sup>130</sup> Ni bata ku ambola ku mina kusina babasina makadi a litapelo, fa muzuzu fela mukoloko usika kalisa kale.

<sup>131</sup> Cwale, ni makadi amina a litapelo, mu aswale mwa mazoho amina kuli bashimani ba amuhele kadi yeo. Mubile mulibelega, mutile ka kuitahanela mwa manzibwana ku to fiwa kadi ya mina ya tapelo, mi muna ni tukelo yakuli mukene mwa mukoloko. Ne ni mi sepisize, kuli ni ka mi lapelela. Cwale Ni ka lika kubuluka sepiso yaka, Mulimu ani tuse.

<sup>132</sup> Yo ki yena mushimani wa hao? Ki muuna nyana yomunde. Shangwe mu ni swalele. Musali yo fa ki mufuta omunde wa mu American. Mushimani wa hae yomunyinyani, wa ma obolosi amanyinyani ni baki ya mibalabala. Kalibe wa milili yemitelele, u apezi hande. Mulimu amu fuyole ni lapa la hae, mi muuna hae, ni balatiwa ba hae. Ya cwana ki mu U.S.A., wa luli ni “Bukreste” buñozwi fahalimwa hae. Linahana za luna libe ona cwalo fa nako yetelele! Ni swalele, kalibe yomunyinyani, ka kubulela cwalo, kono Na fela . . . ili kuli sicaba si bone ze Ni nahana ka Mukreste mwa lukela ku bonahahela; yasina mipende fa manala, kamba ki likamañi zani, ki kalibe fela.

<sup>133</sup> Mulimu aku fuyole, Muzwale Sullivan.

<sup>134</sup> *Ñaka Yomutuna*, haiba wa kona.

Ñaka yomutuna cwale ufa kaufi,  
Ki Jesu ya sishemo;

<sup>135</sup> Kana mwa Mu lumela? Kikuli mu lumela kuli Uteni moyena Ñaka Yomutuna? Cwale mube fela ka likute fa nako nyana. Lu sa na ni nako yelikan fela, Ni pumezi fela liñusa kuba le likuswani. Ni se kuli mu li utwile, nihakuli cwalo, se ne li talusa. Ulumele fela ka pilu ya hao kaufela. Kaufela ha ba ka yema mwa mukoloko yomuñwi kwa mulaho kafoo abeye sicaba mwa mukoloko hande. Kihona? Uli cwani? Cwale kaufela babana ni makadi a litapelo ba yemi.

136 Kana mwa lumela kwande koo, hape, mina musina makadi a litapelo? Haiba u kaba ni tumelo, Mulimu uka *ku* biza. Cwale, makadi a litapelo kaufela mwa mukoloko.

137 Musizana yomunyinyani yainzi fani yani, ni lihutu le li luluhile, fahalimu fa cwana . . . Kikuli u lumela kuli Mulimu uka ku folisa? Haiba u lumela cwalo, ube fela ni tumelo mi Mulimu uka ku fa yona.

138 U nahana kuli ndataho ya kula u ka ba hande? Wa lumela, wakona kuba ni zona.

139 Kucwani ku wena kwande ka foo, ya lapelela mwana malumaho yana ni butata bwa kuikalelwa? U nahana kuli Mulimu uka mu folisa? Kalibe, ya inzi kwande koo, haiba u lumela cwalo, wakona kuba ni yona.

140 Kaufela mina muka lumela?

141 Cwale Ni bata . . . Ki babakai mizwale bahesu babali mo, bakutazi ba Evangeli, bakutazi ba Evangeli Yetezi kamba kaufela seo bali sona, baba lumela mwa foliso ya Bumulimu? Munanule mazoho a mina. Ni tabela kuli mutahe kwanu mi mu to ni tusa kulapelela sicaba se, ili kuli sicaba si bone kuli ha ki na fela ya lapelela sicaba, mwa kona ni mina. Mutahe kwanu mi muyeme fa katala ni na. Kana mwa taha, mizwale, mina bakutazi? Amutahe kwanu mi mu to yema hande kwanu kwapili. Zeo ki zende. Ni itumezi, mizwale. Ni itumezi. Amutahe kwapili, mizwale, amutahe.

142 Muli cwani? [Muzwale ubulela kuli, “Kikuli lwakona kueza milaini yemibeli fa?”—Mu.] Eni, mwa kona. Amueze milaini yemibeli ona fa, ku kaba hande. Zeo ki zende. Cwale amu sikuluhele neku le, muzwale. Mufetuhe neku le, Ni ka tisa sicaba hande mwahali mo. Cwale mina babañwi ha mutahe neku lana le, ona fa cwana, haiba mukona, muyeme kwa neku le. Ona foo.

143 Cwale, kwa sicaba, mwa bona baana babande ba kwanu? Ki baana baba ka yema fa, ni kuyemela Evangeli yeswana ye Ni kutaza. Mwabona? Batile kwanu kakuli ba I lumela. Cwale mu swanela ku ikuhumuseza mulisana wa mina yaka to bonahala fa katala fa, katata, kukutaza ka buhali. Ba ki baana babana ni sinulo, baba ziba kuli . . . isiñi kuli na lwanisa baana ba, linako zeñwi lu swasehanga mwa milao ye lueza kuba . . . Milao yani kona ye lu lwanisa; isiñi mutu, ki mutanga wa Mulimu.

144 Cwale, haiba luna ni temuho ya mutu kaufela mo, ki nako yekuma kai yemunahana kuli ne Ni kaba mo? Ne ni ka wa ha Ni bata kuli . . . kasumulaho wa baba silezi, faifi kamba silezi, lishumi; babañata cwalo, mwendi licika, licika nyana mwa mukoloko, Ne ni ka palelwa, babañwi babona ne basike ba lapelelwa. Halukoni kueza cwalo. Mi sina haku . . . kono ha mu lukeli kuba ni sani. Wa ziba butata bwa hao. U ziba so ezize, cwale ipulele libi za hao. Haiba ufi wa mina kaufela kwande koo una ni muluti wa ku kakanya mwa pilu ya hao, u zwise

ona fa mi ubulelele Mulimu ku li aku swalele. Haiba ha u si ka luka ni Mulimu, bulelela Mulimu kuli aku swalele. Haiba ha u ezi cwalo, mi hauna tukelo ni Mulimu, halina ku kutusa ni hanyinyani kutaha kwanu. U sinya fela nako ya hao. Yeo ki niti. Cwale, kana ku cwalo, mizwale? Yeo ki niti.

<sup>145</sup> Mutalime fa. Ki yo fa Muzwale Kidd yayemi kwanu. Ne ni bata kupazaula mataya a mota yaka ha ne ni taha ku yena, mwendi ki silimo cwalo kwa mulaho, kwa . . . Nasweli kushwa ki kansa, na ka shwa zazi lani. Musala hae na ni bulelezi kuli, “Akufa!” Ali, “Wa shwa cwale.” Ha Ni yo fita kwani, Mulena amu folisa. Mi ki yo fa u sa yemi. Ni sepa kuli sa nunile *hahulu* bukima ni zeñwi kaufela. Muika wa kale, kwa mulaho, mwa ziba. Wani neli mufuta wa muuna yene Ni ambola ka yena, myaha ya kwa mulaho, yana kutalize; ni kubeiwa hande Linzwi lani, mi sicaba sa mu seha. Mi yena ni musala hae ne ba zamaya mwa njanji ni lika zeñwi, mi fahalimu fani mwa malundu, ni mikoto ya mashala, ni kumata, ni kunepelwa mwa tolongo, ni lika zeñwi kaufela. Yani ki yena muuna ya na lwanezi ku wina mupuzo, wani kona mufuta.

<sup>146</sup> Cwale, mizwale, Ni li ku mina, kaniti ne musike mwaba ni moya wa temuho. Sani ha si lukeli kuba cwalo, mwabona, seo—seo ha si tokwahali. Taba yapili, u mutu wa Linzwi. U inzi hande foo, u mukutazi yomunde kufita mo Ni inezi, kakuli Na—Na ha ni mukutazi mane. Kono Ni . . . kono mina mu—mu tozizwe, mutu kaufela ya bizizwe ku kutaza Evangeli ubizwe ku folisa bakuli; litaelo ki kuli: “Muye mwa lifasi kaufela mi mukutaze Evangeli kwa libupiwa kaufela. Ya lumela mi a kolobezwa uka piliswa. Lisupo ze li ka latelela baba lumela. Ha ba ka beya mazoho a bona fa bakuli,” ni zeñwi cwalo, “ba baka foliswa.” Haiba ubizizwe kuba mukutazi, u bizizwe ku lapelela bakuli.

<sup>147</sup> Mi libaka le Ni ezeza se ki kuli sicaba se . . . kuli bakone kubona kuli haba lukeli kulibelela mutu yomuñwi ya ipitezi, Oral Roberts, Tommy Hicks, Tommy Osborn, na kasibili, mutu ya tahanga kwa sebelezo ya foliso. Ni bata kuli ba bone kuli mu baana ba Mulimu. Mwabona? U muuna . . . Ka kuswana fela inge kubeya mazoho ufu wa bona kaufela sina—sina Na kamba yomuñwi kaufela. Kasumulaho wa lika kaufela, mizwale, kaufela mwa ziba, sina—sina bakutazi, ki tumelo ya bona ku Mulimu ye eza musebezi. Kana ku cwalo? Luna lu ba fa fela tapelo.

<sup>148</sup> Cwale mu li, “Muzwale Branham, ki Moya wa Moya o Kenile oli ni wena?” Kiniti. Eeni, sha!

<sup>149</sup> Cwale ku mina mwa sicab- . . . mwa mukoloko moo, haiba mu lumela ka lipilu za mina kaufela kuli Mulimu uka mi folisa, nanula lizoho la hao, uli, “Ni ka i amuhela.”

<sup>150</sup> Cwale, taha kwanu, mutuhele kuli—mutuhele kalibe yo atahe kwanu. Ha ni ku zibi, Nali kuba ni ku bone fateni. Haiba

Moya o Kenile uka ni bulelela, kuli mizwale yaka mo, ona kulo fa sina cwana, kacwalo kaufela ba yemi fa bukaufi ni na. Mi ha ki seo fela, mizwale yaka iteni mo, ni Mulena ka u teni moo. Ki Mulena bona, hape. Cwale, haiba U ka ni bulelela nto yeñwi ye fosahalile ku wena, kaufela se si fosahalile ku wena, mu ka ziba haiba ki niti kamba nee. Ni bata kuli bona, Ni bata sicaba, Ni bata kuli sicaba kwande kwani sibone kuli Moya o Kenile uteni fa katala ku to fa temuho, kono zeo ha li folisi mutu. Kono haiba Yena ani bulelela sesiñwi ka wena, so ziba kuli hakuna se Ni ziba sesiñwi ka zona, inge fela mo ne kuinezi ku musali fa siliba . . . Isiñi taba yeswana, kono Ni talusa muuna ni musali kuli ha bakopana ka nako yapili. Jesu, mwa mufuta wa bucaha fela cwalo, mi ni yena musali yo hakulata nali mwa busizana fela, mwendi inge wena.

<sup>151</sup> Mi haiba Uka eza cwalo, uka ni bulelela so tezi kwanu, butata bwa hao, kikuli uka lumela kuli ikona fela kuba Moya o Kenile okona kueza zeo? Kana mina mizwale mwa lumela cwalo? Kuli yena Mulena Jesu yaswana yani uyemi mo? Mina sicaba mwa lumela taba yeswana? Kikuli ni mina mwa mukoloko wa tapelo mulumela ze swana, mi muziba kuli baana ba . . .? Kikuli Ne ni ni ka ba biza kwanu haiba Ni nahana kuli ha ki . . .? Kasumulaho wa kukutaza sina cwana, ni kubulela lika ze Ni bulezi kaufela, mi kipeto ni bizeze baana kwanu baba sa swaneli? Ne ni sike naeza cwalo. Ne nika koma taba luli ye Ni sweli lwanisa. Mwabona? Na lumela ku bona. Ni lumela kuli ki baana ba Mulimu.

<sup>152</sup> Cwale mubone haiba Moya o Kenile uyemi ka tokomelo. Ka kubulela fela ni wena, Ni lika . . . U li, “U eza sikamañi, Muzwale Branham?” Nto yeswana yana ezize Jesu ni musali, naize, “Aku Ni fe mezi,” Na lika fela kuambola ku yena fa muzuzu, kuli afumane butata bwa hae.

<sup>153</sup> Butata bwa hao ki kuikalelwa, kona zosweli kukatazaha ka zona. Haiba yeo ki niti, nanula lizoho la hao. Cwale, yena luli ha bonahali cwalo, nji cwani, mizwale? Ha bonahali, kono ona boo kona butata bwa hae. Ubile ona cwalo fa nako yetelele. Kamita usila mitano ya hao usika fita kale ku yona, ni zeñwi cwalo. Yeo ki niti. Kona mo bupezwi, u bupilwe fela ona cwalo, ya ikalelwa; kamita uhupulanga kuli kuna ni se si ka ezahahala, ha si ezahalangi. Fokuñwi diabulosi wa kubulelelanga kuli, “Hakuna zelilteni ku Zona, wena uwe fela mwa tumeloo, usilile kale museto.” Ha ni bali minahano ya hao, kono Ni bala se si . . . Ni ziba za ku bulelezi, kakuli Ni bona se si silile mwa munahano wa hao.

<sup>154</sup> Cwale, Jesu na lemuhile milelo ya bona. Kana ku cwalo? Kihande, zeo kona ze ezahalile ona fa cwale. Ki niti yeo nji? Fa, halubone ni ku bulelele nto yeñwi, kuli ukone kuziba. U yemi fa bakeñisa mutu usili. Yeo ki niti. Yeo kona taba, mwa bona, ne mu si ka i lemuha kufitela nako yeo. Cwale, haiba Mulena uka

patulula ku na so yemezi fa, bakeñisa mutu usili fela, kikuli uka ni lumela kuba mupolofita wa Hae? Ki bo maho. U lumela kuli Mulimu wakona ku ni bulelela butata bwa bona? Kihande, ba katazwa ki pilu, kumata hahulu mali, kufipelwa mwa mala, ni matata. Yeo ki niti, nji cwani? Mwabona? Cwale, wani kona Moya o Kenile, nji cwani?

<sup>155</sup> Cwale, kuna ni sesiñwi fa ku na ni kwa mizwale ba. Mwabona? Sesiñwi fa cwale, ona Moya o Kenile. Cwale, mwa lumela; mina, halunze lu fita mwa mukoloko.

Kaufela luna ha lu inamiseñi litho za luna halunze lu lapelela sicaba se.

<sup>156</sup> Cwale, Ndate yakwa Lihalimu, lu ka beya mazoho fa sicaba se. Mi Na ba lapelela cwale. Ki ba batanga ba Hao ba silena baba yemi mo, mi kaufela luna lu ka beya mazoho fa bakuli, kakuli U bulezi kuli lueze cwalo. Lu ka eza cwalo ka Libizo la Jesu Kreste. Mi cwale sicaba sisike sa hapelezwa fela, kono ha ba tahe mwateni inge ba folile ka Libizi la Jesu Kresste. Amen!

<sup>157</sup> Mulena ami fuyole. Cwale mutahe fela ka tokomelo.

Ka Libizo la Mulena Jesu, folisa . . . Ka Libizo la Mulena Jesu, folisa muzwale waka. Ka Libizo la Mulena Jesu, folisa kezela ka.

<sup>158</sup> Cwale, fela—fela fa muzuzu! Mwabona! Muzwale ni kezeli, kiñi ha mu nyakalalile musali yani, fani temuho ha i ezahalile, mi cwale babañwi ha ba taha mwateni hakuna ze ezahala? Batu ba fitanga, “Kihande, haiba ha Ni cwalo, nina ni temuho, kihande, kona kuli hakuna se ne Ni amuhezi.” Seo hasina sa kueza ni sona, Uteni mo ka kuswana fela. Mwabona?

<sup>159</sup> Ha mu fita kwanu, mutahe ni mazoho amina mwa halimu, muli, “Ni Itumezi, Mulena Jesu. Na Ku amuhela kuba Mufolisi waka, mi Ni ya fela ni yona. Alimuñwi wa baana ba uka ni kolobeza, Ni ya fela kukenelela mwa lisa la mezi ni ku kolobezwa, ni kuzwa mwateni inge ni ziba kuli U sepisize kuli Ni ka amuhela Moya o Kenile.”

<sup>160</sup> Mwabona, ki . . . Ki temuho ye sa liteni mo. Isali teni mo, ka kuswana fela sina . . . Fa, ki ifi kana? Muuna yo fa? Ni muenyi ku wena. Kana Ni cwalo, sha? Ha ni ku zibi. Kana . . . haiba Mulimu uka ni bulelela butata bwa hao, kikuli uka ni lumela kuba mupolofita wa Hae, mutanga Hae? Uka eza cwalo ka pilu ya hao kaufela? Ku lukile, sha. Ni itumezi, sha. Wani ki moya omunde luli, ki nto yende luli. Kasamulaho wa zeo kaufela, uyemi fa bakeñisa mutu yomuñwi. Yeo ki niti. “Ki muikulyoe, una ni polio, na wile zazi leliñwi mi a lobeha lihutu,” sani kikuli SA BULELELA MULENA KISONA! Kana ki niti yeo? Yeo ki niti! Zamaya mi ulumele cwale, mi uka ba hande.

<sup>161</sup> Cwale, taha unzo lumela, mañi ni mañi, amutahe fela. [Mukoloko wa tapelo uina fela mizuzu yemilalu ni mizuzunyana

ye seti-eiti, buñata bwa manzwi a Muzwale Branham a utwahali—Mu.]...?...

Ufuyolwe muhala o tama  
Lipilu zaluna mwa lilato la Bukreste;  
Ki kopano ya mihupulo ye swana  
Ye swana sina yani ya kwa Halimu.

Fa fapila Lubona lwa Ndate,  
Lu sulula tapelo ya luna;  
Sabo ya luna, sepo za luna, ze lubata ki  
zeswana,  
Buiketo bwa luna ni tokomelo.

<sup>162</sup> Lu yemi ona foo, bana ba Mulimu lihole, bana babanyinyani, libofu, lianga. Bakutazi ba Evangeli, mwa ziba kuli haluna mata a kufolisa. Kono Mulena luna Yomutuna Jesu Krete ulu lumezi lisupo ze, ni kunyaza diabulosi ya mi tamile. Lu nyaza diabulosi...?... Lu kalimela bubofu...?...

<sup>163</sup> Ka Libizo la Jesu Krete yena Mwana Mulimu, lu kupa kuli Mulimu a ba fe tumelo ya kulumela kuli tapelo ya tumelo i pilisize bakuli, mi Mulimu uka ba zusa, mi ba ka foliswa hape. Lumeleza cwalo, Mulimu Yamata kaufela, ka Libizo la Jesu Krete.

<sup>164</sup> Cwale, mina mizwale amuzwe foo...?...

<sup>165</sup> Mina baba siyezi kaufela mube mwa litapelo cwale, halunze lu...bakutazi basweli ku ba lapelela, ni bona, cwale. Lwa lapela, lu beye mazoho.

<sup>166</sup> Ndate yakwa Lihalimu... .

Ku mina kwande koo mwahala sicaba baba si ka kena mwa mukoloko wa litapelo, mubeye mazoho amina ku mañi ni mañi cwale. Amu beye mazoho amina ku mañi ni mañi.

<sup>167</sup> Ndata luna yakwa Lihalimu, lu tisa ku Wena sicaba se halunze lu kwala sebelezo ye ni mukopano wo mwa zamaiso ya Jesu Krete, yena Muprisita Yomutuna ya tozizwe wa Mulimu, Emanuele, ya yemi, ya zuhile kwa bafu, ya pila kuli alu kupele kwateni; Kubateni kwa Pata ya Hae yetuna mo ni luna, Mata a Hae a kenile alukonisa kubona lipono, kupolofita, kubeya mazoho fa bakuli. Linzwi la Mulimu le li sa palelwi halikoni ku kutela ku Yena mukungulu fela. Ni kalimela moya kaufela wa matuku, mata a sibi kaufela, ku sa lumela kaufela, ka Libizo la Jesu Krete, ha li zwe mwa sicaba ni ha ba foliswe ni kuba hande.

<sup>168</sup> Fuyola mizwale ya bakutazi ba, Mulena, ha ba kopani hamoho mwa pilu iliñwi ni mwa buñwi, ni puteho kaufela ya keleke. O Mulimu Yamata kaufela, kuyona Middletown tuna, Ohio, luma ancafazo kasamuho wa ye, Mulena, ye ka hasana kuzwa neku le ni neku leliñwi, ili kutaha hamoho kwa masapo, Mulena, ni misifa. Mi cwale mata a Mulimu azuse keleke yetiile ye swalisani mo mwa muleneñi ye ka nyunga, mutala keleke,

mwahala naha kaufela, kuli sicaba si kone kutaha mwa muleneñi wo ku to bona mata a Mulimu. Lumeleza cwalo, Mulena. Folisa bakuli ni baba imezwi, pilisa baba latehile, mi ikungele kanya ku Wena.

<sup>169</sup> Lumeleza cwalo, kuli litaulo ze kaufela ni limpo nyana ze beilwe fa . . . Na lapela, Mulena, kuli Moya o Kenile fahalimwa luna, ni mwa muyaho mo u lu toze, mi mañi ni mañi wa bona abe hande. Ku ñozwi mwa Bibebe kuli Isilaele hana li mwa nzila ya musebezi, mwa musipili wa bona kuliba kwa naha ya sepiso, kuti Liwate Lelifubelu ne li yema mwa nzila. Mi alimuñwi wa bañoli ali, “Mulimu na talimile fafasi ka Siita sa Mulilo sani mi Liwate le Lifubelu la saba ni kukuta mwa mulaho, mi Isilaele aya kwa naha ya sepiso yene sepisizwe.”

<sup>170</sup> Mi cwale, li mwa Bibebe, ku ñozwi kuli, “Ni lakaza hahulu kuli mube hande mwa mibili ni ka buiketo.” Mi cwale litaulo ze ha li fita kwa sicaba, koo Satani a beile Liwate Lelifubelu fapila bona, mi Mulimu atalime fafasi kufitela mwa Mali a Mwana Hae tota, Jesu Kreste, ni uhalifele butuku kaufela ku ba ba palezwi kukena mwahali; mi cwale butuku ha bu sabe ni kusaba Linzwi la Mulimu ni sepiso ya Mulimu ni tozo ya Mulimu, mi cwale sicaba ha si fitele mwa sepiso yende yani ya buiketo ni mata. Lumeleza cwalo, Mulena. Mi lu beya kaufela zona ku Wena, ka Libizo la Mwana Hao ya latwa, Mupulusi wa luna Jesu Kreste. Amen.

<sup>171</sup> Sicaba, ku Yena ya lu ziba kaufela luna, ku Yena yana lu zuselize kwa bupilo bwa Hae mwa lifasi, mwa keleke ya Hae, mi limbuyoti za bufumu bwa Mulimu libe fahalimwa mina kaufela kufitela lu kopana hape. Sebelezo yaluna yetatama, ka mo lu zibela, ikabela kwa tabernakele, la Sunda kakusasana, la Paseka la Sunda kakusasana. Mi Ni ka ba ni . . . kwani kwa Illinois kuzwa fani. Mu fuyolwe, mu lise likeleke zamina, mulise likeleke zende ze, mu tamahanye lipilu zamina hamoho. Muine mwa Linzwi la Mulimu! Mupilele Yena, kakuli lika ze sabisa liyemi fapila mina, muhupule cwalo!

<sup>172</sup> Kufitela lu kopana, halu yemeñi mi lu opele:

Na Mu lata, Na Mu lata  
Kakuli U ni latile  
Ni kuleka puluso yaka  
Fa Kalvari.

<sup>173</sup> Cwale, ka likute, mu swalane mwa mazoho ni yomuñwi kwa mulaho wa mina, kwapata a mina, ni kwa matuko a mina.

Na Mu lata . . .

Mañi ni mañi cwale.



. . . Na Mu lata  
 Kakuli U ni latile  
 Ni kuleka puluso yaka  
 Fa kota ya Kalvari.

174 Cwale ni mazoho a mina ananuhezi ku Mulimu, ka kuhuwa cwale, mañi ni mañi ha mu libonahalise.

Na Mu lata, Na Mu lata  
 Kakuli U ni latile  
 Ni kuleka puluso yaka  
 Fa kota ya Kalvari.

175 Halu inamiseñi litoho zaluna cwale.

Kufitela lu kopana! kufitela lu kopana!  
 Kufitela lu kopana kwa mautu a Jesu;

Muhupule, buñata bwa luna haluna ku kopana hape kufitela nako yeo.

Kufitela lu kopana! kufitela lu kopana!  
 Mulimu abe ni mina kufitela lu kopana hape!

176 Cwale ha mu iñuñune. Mulisana wa mina. Muzwale Sullivan, kufitela lu kopana, muzwale waka.



*BULAPELI BWA JEZABELE* LOZ61-0319  
(Jezebel Religion)

Liñusa le ka Muzwale William Marrion Branham, neli kotalizwe lwa pili mwa Sikuwa la Sunda musihali, Liatamanyi 19, 1961, ili fa National Guard Armory mwa Middletown, Ohio, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

**VOICE OF GOD RECORDINGS**  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)